

ር.አ.ሰ ኢ.ሳይያሱ፡ ውቁል ወፍድ መጅልሰ ኢ.ጣልያ ልትከበት



ዕላቃት ወሽራከት እግል ልጠወር ለሀላ ምራድ ወመትዳላይ ወድሐ።

ር.አ.ሰ ኢ.ሳይያሱ እንዴ አትሉ፡ እብ መዓወነት ወሽራከት ክልኤ ለደውለት እግል ክሉ አውለውያት ለከምክም አግቡይ ሽራከት ስትራተጅየት እግል ልትሰተት ምህም ክምቱ፡ እግል ወፍድ አብርሀ።

ለወፍድ እንዴ መርሐት ለመጽአት ዲብ ውቁል መጅልሰ ኢ.ጣልያ ልትከበት መፈወድየት ዕላቃት ካርጅ ወድፋዕ ስቴፋንዩ ክራክሲ እብ ጀህተ፡ ፍንጌ ክልኤ ለደውለት ዕላቃት ሽራከት ወስዳይት ሰኔት እግል ትትቤ እብ ጀህት ኢ.ጣልያ ለሀላ መትዳላይ አከደት።

እተ ህድግ እብ ጀህት ኤራትርያ ወዘር ካርጅየት አሰይድ ዑሰማን ሳልሕ፡ እብ ጀህት ኢ.ጣልያ ህዩ ሰፊር ለደውለት ዲብ ኤራትርያ ማርቲ ማንጅኒ ሓድራም ዐለው።

ር.አ.ሰ ኢ.ሳይያሱ አፍወርቂ እት 27 ጁን “ሰኔት” በሀላት ውቁል መጅልሰ ኢ.ጣልያ ወርኢሰት መወፈድየት ዕላቃት ካርጅ ወድፋዕ ስቴፋንዩ ክራክሲ ለትመርሐ፡ ሰለሰ ነፊር መጅልሰ ለቡ ወፍድ እንዴ ትከበተ ምሰሉ ህድግ። ዲብ እት ዐዲ ሃሎ ለገብአ ህድግ፡ ር.አ.ሰ

ኢ.ሳይያሱ፡ ዲብ ግርበትለ ሐልፈ ወርሕ ጃንዋሪ እት ሮመ ለገብአ ዋዕለ ማርሐት ድወል አፍሪቀ ወኢ.ጣልያ ወእሉ እንዴ ተለ ለገብአ መፋህማት፡ መትሐሰሰይይ ክም ዐለ እንዴ ሸርሐ፡ ምሰል ኢ.ጣልያ እብ መራሕል ለገይሰ ስትራተጅየት ረያም ለገንሕ

ሰዳይት ዓይላት ሹህደ አቅሊም ጋሽ-በርከ

ዲብ አቅሊም ጋሽ-በርከ - ምዲርያት ምጎሎ፡ ክርክበት፡ ጋሽ-ለዐል ወሻምብቅ፡ እብ ሸዑ ወሸቃለ ሕኩመት ለትፋገረት ዝያድ 400 አልፍ ናቕፈ ወ 85 ረአሰ ምን አጣል ወአግጌ፡ እግል ዐኢላት ሹህደእ ትካፈለ።

ምጎሎ ለሀላው ሸቃለ ሕኩመት ወምን ናይ ሸሀር-ማህዩቶም ለአትፋገረው 16,350 ነቅፈ. እግል ሕገዛት ዐኢላት ሹህደእ ክም ትካፈለት፡ ናይ ዶሉ ምዲርላ ምዲርየት ሌተናል ኮሎኔል አማኑኤል እያሱ ሐበረ።

እብ ሸዑ ወሸቃለ ሕኩመት ለትፋገረት 118,500 ነቅፈ ወ 85 ረአሰ ምን አጣል ወአግጌ እለ እብለ ትሸብህ ገበይ ክም ትካፈሉ፡ ምዲርላ ምዲርየት አሰይድ ዑብደልከሪም እድራሰ ሐበረ።

እለ ክእነ ዲብ እንቱ፡ ዲብ ምዲርየት ጋሽ-ለዐል - ሰነን ሸብህ-መዲነት ተኾምብዩ ግሪህ ዐኢላት-ሹህደእ እግል ልትሐረሰ 49,200 ነቅፈ. ለአትፋግሮ እት ህለው፡ ሸቃለ ሕኩመት ህዩ 120 አልፍ ናቕፈ ትበርዐው።

እምበል እለ፡ ዲብ ምዲርየት ሻምብቅ ለሸቁ ሸቃለ ሕኩመት 100 አልፍ ነቅፈ፡ ሐቲ ዌድያይት-ሰን ህዩ 10 አልፍ ነቅፈ. እግል ዐኢላት ሹህደእ ሰዳይት ክም ወደው፡ ወኪል ኤሪን ሐበረ።

ለመገደረት፡ ዲብ ሹህደእ ወግራሆም ለተርፈው ዐኢላቶም ለህሌት ሕሸመት-ውቅል ወሐናነት ለተአርኤ ክምተ ለሐበረ ምዲር ምዲርየት ሻምብቅ አሰይድ ካሕሳይ አሰራት፡ ለሰዳይት ዲብ ወቅት-ሕዳድ ወሕዳዳም አንፋር ሌጠ እግል ኢትግግእ፡ እብ ገበይ-ንዝምት ወወሲዐት እግል ተአተላሌ ትፋነ።

እብ አሳሰ እለ፡ ዲብ ምዲርየት

ዲብ ምዲርየት ክርክበት ህዩ

ሰንዐፊ፡ ሰዳይት ዓይላት ሹህደ

እት ምዲርየት ሰንዐፊ፡ ሸቃለ ሕኩመት መደንዩን እግል ሰዳይት ዓይላት ሹህደ 110,000 ነቅፈ ትበርዐው።

መስኡል ጀብህት ሸዑብየት እግል ዲሙቅራጥየት ወዐዳለት እተ ምዲርየት አሰይድ ተክሌ መብራህቲ እተ ሀበዩ ሐብረ፡ ዲብ ክለን እዳራት ደዋይሕ ክል ሰነት እግል ዓይላት ሹህደ ግድግት ምን ሐርሰ አሰክ አቲ ሰዳይት ትገብእ ክም ጸንሐት እንዴ ሐበረ፡ ክእነ ለትመስል ሰዳይት ማልመ ዲብ ክሉ እዳራት ደዋይሕ እግል ልትሸቁ እበ በራምጅ ክም ሀላ አፍሀመ።

ራዐዮት ዓይላት ሹህደ መስኡልየት ክሉ መዋዋን ክምቱ እንዴ ሐበረ ህዩ ንሰእት ህሌት መግደረት እግል ብዕዳም መሰል ሰኔት ሰበት ተ፡ እብ ፋይሕ እግል ትተላሌ ተሐሰበ።

እለ ክእነ እት እንቱ፡ አንፋር ውዛረት ተዐሊም ምዲርየት ግጹዕ ወመክተብ አቅሊም ለአፍገረው 42 አልፍ ነቅፈ. ዲብ እዳራት ደዋይሕ በርዶሊ ምዲርየት ገልዐሎ እግል ነብረ 7 ዓይላት ሹህደ ትካፈለ።

እተ መናሰበት መስኡል መክተብ ዐመል ወመንገፎ እጅትማዕየት ዲብ ምዲርየት ሻብ መሐመድ ዑብዳ እተ አሰምዐዩ ከሊመት፡ ሰዳይት ዓይላት ሹህደ መስኡልየት ክሉ መዋዋን ክምተ እንዴ አትፋቀደ፡ እግል አንፋር ውዛረት ተዐሊም እበ መግደረቶም ሐመደ።

መህረጃን ኤራትርያን ሰነን ኢ.ጣልያ እብ ነያረት ተመ

መህረጃን ኤራትርያን ሰነን ኢ.ጣልያ “ደማነት ሰላም እብ ሰላት” እበ ትብል ስቅራት እት 29ወ30 ጁን እት መዲነት ሚላኖ ትሰርገለ።

እለ እብ ሰፊር ደውለት ኤራትርያ ዲብ ጀምሁርየት ኢ.ጣልያ አሰይድ ፍሱሓጽዮን ጴዋርሰ ለትክሰተ ማህረጃን፡ ዕፌ ሰወር፡ ጅግረ ርያደት፡ ናይ ዓዳት ወፈን በራምጅ፡ ዲብ ሓድረት ሓለት ዐድነ፡ ድዋርነ ወዐለም ወናይላ መጽእ ወክድ አዋይት ለረከዘ ሰሚናር፡ ዕፌ ልባሰ ዓዳት ክምሰልሁ-መ ሂበት ጀዋእዝ እግል ሸባብ ፈዳብያም ለከምክም ዐለ።

ር.አ.ሰ ልጅነት ዓያድ ዲብ ኢ.ጣልያ አሰይድ ዑቅባይ ፍሪመድህን እተ አሰምዐዩ ከሊመት መክሰቲ፡ መህረጃን ዲብ አደቀቡት ወጠንዩት ወዓዳት፡ አውራሰት ቅየም፡ ብንዩት እብ ጅንሰዩቶም ለሸፍ ሸባብ ብቅዓም፡ ወአደቀቡት ውሕደት ምህም ክምቱ እንዴ ሐበረ፡ ዶርም ለቀደመው ጅሃት ወአፍራድ ሐመደ።

እተ መናሰበት፡ እብ ልጅነት ሚድዩ ለትዳለ ተእሪክ መህረጃናት



ኤራትርያን ዲብ ኢ.ጣልያ ምን ሰነት 1974 አሰክ 2023 ለለአርኤ ዕፌ ሰወር እብ መ-ሸተርከት ሐምዴ ረክበ።

ሰፊር ፍሱሓጽዮን እተ ወደዩ ሰሚናር፡ ሄራር በራምጅ ዐማር እብ ዓመት ወዲብ መጃል ዲፕሎማሰየት ልትሰርገል ለሀላ ወራታት ወትትረከብ ለህሌት ዐውቲ፡ ክምሰልሁ-መ መርሐሰት ለትጠልቡ ምሃም ወዶር እት ዐድ ወካርጅ ለሀላው መዋዋኒን ለከሰሰ ሸርሕ ፋይሕ ቀደመ።

እት ደንገበ መ-ሸተርከት ፈናኔን ተክሌ ክፍሌማርያም (ወዲ ትኹል)፡ ሄለን ጳውሎስ፡ ሓይሰአብ በረኸት (ሰላሊዳ) ወክፍሎም ገብረልኡል ምሰል መ-ሰቅዩን ERI-BAND እበ ቀደመው በራምጅ ትለውቀው።

ከበር እሰትሸሃድ

እት ሐን ፈሬዕ ውዛረት ዐመል ወመንገፎ እጅትማዕየት አቅሊም ምግብ ልትራዔ ለዐለ ገዲም መ-ናድል ሐሰቡ አደም ሳልሕ (ወዲ አደም)፡ ዲብ ዮም 30 ጁን ዲብ 76ይት ሰነቱ እብ ሕማም አሰተሸሀደ።



ዲብ ሰነት 1974 ዲብ ቅዋት ሸዑብየ ተሕርር ኤራትርያ ለትሐበረ መ-ናድል ሐሰቡ፡ እግል ሸዐቡ ወወጡ እብ መትሰባል ለናደላ ምሕርባይ ቲ።

ሸሃድ ሐሰቡ በዐል ፈሬዕ ወአብ ሰስ ውላድቲ። ዓደት ቀብሩ ህዩ ዕለት 1 ጁላይ ዲብ መቅበረት ሹህደ እምግደርህ ተመት። ፈርዕ ውዛረት ዐመል ወመንገፎ እጅትማዕየት አቅሊም ምግብ፡ እብ እሰትሸሃድ ገዲም መ-ናድል ሐሰቡ አደም ሳልሕ (ወዲ አደም) ሐዘኑ ዲብ ሸርሕ፡ እግል ዓይላቱ ወናይ ግድለ መልህሆሙ ኤማን ወሰብር ልተም።

ዐንሰብ፡ ዝያረት ሸባብ ዲብ ኣካናት ተእሪክ



ሸባብ ኣቅሊም ዐንሰብ፡ ምን ዮም 22 ኣሰክ 25 ጁን፡ ተእሪካይ ኣካናት ጅብሀት ሓልሐል ለዐለ ወፈራሳት ለገብኡት እቲ ድፍዓት ትዛየረው።

እትለ እብ ማሕበር ወጠን ሸባብ ወደረሰ ኤራትዮ ለትዝመት ዝያረት፡ ሀደፊ፡ ሐርብ መሪር ለገብኡ እቲ ወወውል ቃሊ ለትደፍዐ እቲ ድፈዓት ምን ቅሩብ እግል ልርአው።

ወእብ ፈዛዐት መርሐለት ለትጠልዮ ምኖም ዶር እግል ልቀድሞ ክምቱ መሰኡል ለመሕበር እት ኣቅሊም ዐንሰብ ኣሰይድ ኣዛዚ በረኽትኡብ ሐበረ።

መሰኡል ቅዋት ጀው -ሚጀር ጀንራል ተክላይ ሃብቴሰላሴ ዲብ ጅብሀት ሓልሐል ለዐለ ኣግቡይ ጽብጠት ድፈዓት፡ ለገብኡ መዓርኩ፡ ወፈራሳት ሙናድሊን ወሽዐብ ለከሰሰ ተውድሕ ፋይሕ ሐቆ ሀቤ፡ መዓርክ ትሩድ ለገብኡ እት ጅብሀት ከም ተ ወዲብ ዐውቲ ግድለ ሕርዮትን ዶር ዐቢ ከም ዐለ እግል ሸርሐ።

ሚጀር ጀንራል ተክላይ እንዴ ኣትሉ፡ ሸባብ ዲብ ኣካናት ተእሪክ ዝያረት እንዴ ወደው ተእሪኩም እግል ለኣምሮ ምህም ክምቱ እንዴ ሐበረ ለዝያረት ለከመው ሐመደ።

ሌተናል ኮሎኔል መንግስትኣብ ሳሙኤል ለብኡቶም ዲብ ወቀይ ለዐለው ህዩ፡ ዲብሊ ትፈናተ ኣውካድ እብ ሰበትለ ገብኡ ሕሩባት ወወመልያት ፍንቲይ ሸርሕ ሀበው። ኣክም ኣቅሊም ዐንሰብ ሰፊር

ዐብደላ ሙሰ እብ ጀሀቲ፡ እብ ሸባብ ለትሸቀ ዐጃይብ ወተእሪክ ምን ጁል እት ጁል ዐደዮቲ መሰኡልያት ክል መዋዋን ሰበት ቲ፡ ለሸባብ ለረከበው በክት ዲብ ሰናቶም ወሐምም ነኣይሽ እግል ለኣሉፋ ተሐሰበ።

ክእን ለመሰል በራምጅ እግል ኣውረሶት ተእሪክ ምህም ክምቱ ለሸርሐው ሙሻርከት፡ ኣተላላይ እግል ለሀሌ እግሉ ለከሰሰን ጅሃት እግል ልክደመ ተሐሰበው።

እት ዝያረት ምንላ ትፈናተ መኣሰሳት ሕኩመት ለመጽአው 689 ሸባብ ወ120 ዐዘመት ለገብኡት እግሎም ጋሽ ሹርካም ዐለው።

ለፈፈ፡ ቀደም እላመ 1,800 ሻብ ለሻረከው እት ክእን ለትመሰል ዝያረት ዲብ ገንፈሎም ወመሰሐሊት ንዙም ቲ።

ሰረጅቀ፡ ምስኩናም ሰዳይት ቀፎታት ንህብ ረክቦ



መሕበር ምስኩናም ሐርብ ምሕርቦት ኤራትርዮ ዲብ ምዳርዮት ሰረጅቀ ለህለው ኣንፋሩ ናይ ቀፎታት ሰዳይት ረክበው።

ለዲብ ካርጅ ለትገብር ሻበት ሚርያም ዮውሃንስ እብ ቀደመቲ ዶር፡ ዲብ ዮም 26ጁን እግል ሐምስ ምስኩናም መሕርቦት

ለትህየቦት ሰዳይት፡ ኣላት ወቀፎ ታምም ወክል ክልኤ ኣልፍ ነቅፈ ትክምክም።

እት ናይ ሰለሞት ዓደት፡ መሰኡል ፈርዖ ማሕበር ምስኩናም ሐርብ ምሕርቦት ኤራትርዮ ዲብ ምዳርዮት ሰረጅቀ ኣሰይድ ሰዓሬ ሐደራዝጊ፡ ለትሰደው መናበረቶም እግል ለኣሰኑ እግል ልትጅሀዶ ትፋኑ።

ጋሽ-በርኩ፡ እግል ዐማር ሐርሰ ለትህየብ ኣርድ እት መዓሉ እግል ልውዐል ልትክደም

ኣክም ኣቅሊም ጋሽ-በርኩ - ሰፊር ማሕሙድ ዐሊ ሕሩይ ፡ እግል ዐማር ወሐርሰ ለትህየብ ኣርድ እብ ዋጅብ ልትዐመር ሀለ ሚኢፋሉ እግል ልትኣክድ፡ ድራሰት ክም ትገብእ ሸርሐ።

ህቲ፡ ዲብ ዮም 29 ጁን ዲብ ኣቁርዶት ምስል ሙደራእ ምዳርያት፡ ሐረሰቶት ወሰብ ጀራዲን ምዳርያት ሰነይ፡ ኣቁርዶት፡ ድጌ፡ ፎርቶ- ሳወ ወሀይኮተ ዲብ ወደዩ ህድግ፡ ሀደፍለ ድራሰት፡ እምበል ፋኢደት ለተርፍ ኣርድ እግል ኢህሀሌ እግል ልትኣክድ ክምቱ እንዴ ወድሐ፡ እብ ኣሳሰ ፍገራትለ ድራሰት፡ ምን ዐማር ለበጥር ኣርድ ሐቆ ሀሌ፡ ለኣርድ ዲብ ከሰሰን ጅሃት እንዴ ኣቅበል ለለዐሙሩ እግሎም ክም ልትህየብ ወድሐ።

እት ሐርሰ ከረም፡ ዐማር ረይ፡ ተዋብ ንዋይ፡ ጅህድ ትሩድ እግል ወዱ ወዲብ ወክዶም ደራይብ

ለደፍዶ፡ ዲብ ወራታቶም ኣትናያት ክም ገብእ እግሎም ለሐበረ ሰፊር ማሕሙድ፡ ሐረሰቶት ወሰብ ጀራዲን ወራታቶም እግል ለኣሰፋ ኣትፋቀደ።

ሙዲር ዓም ቅሰም እተይ ቀበት ዐድ ኣሰይድ ዮውሃንስ ደሰኣቅ እብ ጀሀቲ፡ ዲብ ኣግቡይ ወቀዋንን ደፍዕ ደራይብ ተውድሕ ሐቆለ ሀቤ፡ ደራይብ እብ ኣሳሰለ ትቀደመ ወሳይቅ ለትረከበ እተይ ሰበት ልትሐሰብ፡ ፈዛዐት ዲፍዐት ደራይብ እግል ትዕቤ ክም ለኣትሐዜ ኣብርሀ።

ሙሸተርከት እብ ጀሀቶም፡ ደፍዕ ደራይብ፡ ቀዋን፡ ኣግቡብ እብ ከሰሰ መኣደራት ምህም ሰበት ቲ፡ እብ ደረጃቲ ኣተላላይ እግል ለሀሌ እግሉ እንዴ ኣትፋቀደው፡ ለትህየቡም ኣርድ እብ ዋጅብ እንዴ ዐመረው ምን ርከቡ እተይ ለወጅቦም ደራይብ እግል ልድፍዮ መዳሳዮም ኣከደው።

መድረሰት ፈንዮት መሐባር፡ 130 ደረሳህ ኣድሐረት

መድረሰት ፈንዮት መሐባር፡ ማሌ 29 ጁን 24ይት-መረተ ዲብሊ ወዳተ መድሐራት፡ እብ 7 መጃላት ምህንት እብ ፍዕል ወእብ ዝዘር ለኣድረሰቶም 66 ኣዋልድ ለብኡቶም 130 ደረሳህ፡ እብ ሸሃደት ኣድሐረት።

መትድሕረት እግል መደት ክልኤ-ሰነት ምህንት ኣውቶመካኒኩ ብናእ፡ ኤሌክትሪሲቲ ኤሌክትሮኒክስ፡ ዓም ኣሸቃል ሐጺን፡ ድራውሊት ወጸራብ ዕጩይ ለደርሰው ቶም።

ምዲርሊ መድረሰት መምህር ተሰፋ-ዝጊ ኡብርሀ እትለ ኣሰመዐዩ ከለመት፡ ምህንት-ባቅዐት

ለተዐንደቀት ቅወት ኣዳም ዲብ በራምጅ ብናእ ወዐማር ዶር-ምህም ለበ ክምተ እንዴ ሐበረ፡ መትድሕረት እግል ዐውቲል ልትፈረር ዲቡ ሸቅል ወእግል ዐቦት ደረጃቶም እግል ልክደም ትፋኑ።

ዲብ ውዛረት ተዕሊም ምዲር ዓም ቅሰም ምህር ቴክኒክ ወምህንት ኣሰይድ መዐሾ ገብራትንሳኤ ህዩ፡ እትለ ሐልፊ ሐድ-ሰናታት ዋወር ኣላት እንዴ ትዐንደቀ ውብናእ እንዴ ትወሰዐ ባቆዕ ወመትጃግራይ መቅደረት ኣዳም እግል ኣጅሀዙት ፊራሮ-ዐባይ ክም ገብኡት እንዴ ሐበረ፡ ዮም ዓመት ዲብ ለትፈናተ

ድዋራት ምንላ ህለዩ መዳርሰ ፈንዮት፡ ሐድ 900 ደረሳይ እግል ልትደሐር ክምቱ ሐበረ።

ወካይል መትድሕረት እብ ተረቶም፡ እብ ደረጃት ወጠን እትለ ገብእ ህለ በራምጅ ዐማር ዶርም እግል ሊደው ዱሉያም ክምቶም ኣከደው።

ዲብሊ መናሰበት፡ እግል መትድሕረት እብ ዓመት ወረቀት-ሸህደት እግል ምን ጸርም ለፈደበው ህዩ ጀዋእዝ ተህየቡ።

እት ሰነት 1994 ለተኣሰሰት መድረሰት ፈንዮት መሐባር፡ ኣሰክ እለ 5,038 ደረሳይ እድሕርት ህሌት።

ኣፈትርዮጃዳክ

ክል ኣርቡዕ ለትጠ'በዕ ጀሪደት

መዳልያይ፡
- መሐመድ እድሪስ

ለይኣውት ወኣርተዖት
* ዘሀረ ዐሊ
* ፋዋን ኣደም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

ኣትኣመሮት፡
ተለፎን፡ 125013፡ ዕ.ሰ.ቡ፡ 1284

ዔለ-በርዕድ ክምመ ስመ መስከብ ሐሊብ ወበርዕድ

እተ ለሐልፊ ወክድ ሰሕፍይን ጀራይድ ኤረትርፍ ኣስክ ኣቅሊም ዐንሰበ እንዲ ተሐረኸው እት ምዳርየት ዔለ-በርዕድ ለህሊ ተዋብ ንዋይ ወነሻጣቱ ለከሰስ እግል ልድለው ምስል ኣሰይድ ብርሃኔ ነጋሽ ዘርእም መስከብ ኣትፋረየት ንዋይ መሽርዕ ዔለ-በርዕድ ወኣሰይድ ዐብዱልቃድር መሐመድዐሊ ድራር መስከብ ዐመል ወደማነት እጅጉማይት ለገብአት ምቃብለት እዱልደም እግልኩም ህሌት ቅራኣት በኪተት።

ሰኣል፡- መስከብኩም ለትወደዮ ነሻጣት እግል ትሽራሕ እግል?

በሊሱ፡- እትሊ ክልኤ መጽልቱ ለህሊ እግልን ምር ናይ ሐሊብ ኣሐ እትገብእ ለካልኣይ ህይ ናይ ከናዘር ቱ። ለከናዘር ኣስክ ኣሰመረ እንዲ ትሰለካቱ ለልትዘይ ወዲቡ እት መንፈዐት ሰገ ልውዕል። ለናይ ሐሊብ ህይ ናይ ወናይ ሐልሐሌ መስከብት ሐሊብ እብ ሕበር እንዲ ገብአን እግል ሽዑብ እብ ዐውል ራትዕ ክድመት ነህይብ። እሊ ለገብአቡ ለናይ ሐልሐሌ ሐሊብ እት ዔለ-በርዕድ እንዲ መጽኦ ሰበት ልትዐሽጣ። እሊ መሽርዕ ናይ ዔለ-በርዕድ እት ኣምዕል ሐድ 1000 ለትር ለገብእ ለሐልብ። 560 ለገብእ ልትዘይ ወላ ተርፈ ኣጉል እግሉ ልትሆብ።

ሰኣል፡- ከም ለገብእ ንዋይ መልኮ ህሌኩም?

በሊሱ፡- እትሊ ናይ 350 ናይ ሐሊብ ኣሐ ወ320 ከናዘር ህሊ እግልን በጋይት ኣሐመ ዐለት እግልን ኣዜ ላኪን ዲብ ኣርድ ብዕድ ሰበት ለኣከት ንኣይሽ ሐድ 38 ለገብእ ሌጠ ህላዩ እግል። እምበል እሊ ሐድ 32 ለገብእ ኣፍራሰ ህሊ እግል። እሊ ህይ እግል ዝቤ እንዲ ኢገብእ እግል እሊ መሽርዕ እት ሸቅል እግል ልሰዴ እንዲ ትበህሊ ለገብአቱ ሕይት ትራክተራት እት ለገብእ ሸቅል ተትባግሰ ገሌ ሸቅል እብ ኣፍራሰ እግል ልትሸቁ ምን ትብል ፍክረት ለትባግሳ። ወእሊ ህይ ሐድ ሰነት ዋዲ ለህሊ ሸቅል ቱ።

ሰኣል፡- እሊ መሽርዕ እግል እሊ ሽዑብ እሊ መንጠቀት ሚ መንፈዐት ለህይብ ህሊ?

በሊሱ፡- ሰልፍ እግል እሊ ሽዑብ እብ ዐውል ራትዕ በህለት እብ 15 ነቅፈ እግል ለትር ክም ራክብ ገብእ ህላ። እምበልሁ እትሊ መንጠቀት ከምዶር ፈረ ምን ገብእ እብ 5 ነቅፈ ሽዑብ ክም ረክብ ገብእ ሰበት እሊ ለዐውል ሰኒ ግራምቱ ለህላ። እብ ጃንብን ራክብ ዶል እምብል መስከብን እግል ሽዑብ እብ ዐውል ራትዕ እግል ነህብ ሰበትቱ ህደፍን ካፊቱ ልብሉኑ።

እትሊ መሽርዕ ዔለ-በርዕድ ህይ ሐድ 380 ሸቅል ሸርት ሰበት ህለው ሸዑብ ፍረስ ሸቅል ረክብ ህላ። እትሊ ኣነ ለህሌት እቱ መሽርዕ ሌጠ ህይ ሐድ 52 ለገብእ ሸቅል ህለው። እሉም ናይ ቅውት ወናይ ፈንዶት ዲቡ ፍፋራም ለህለው ቶም። እሉም እትሊ ሸቅል ለህለው ምን ዐዲ ህሉ ክልያት ዲቡ ተዕሊምም እንዲ ኣትመመው ለልትፍመመው እትነ ፈንዶንመ ህለው ምስል። እሉም ህይ ለናይ ግፍየት ንዋይ ሐካይም ወላ ዲብ እሊ በካትነ ለህሊ ሸዑብ እንዲ ጌሰው እግል ሸዑብ ክድመት ለልሃይቦ እቱ ወክድ ህላ። እብሊ ህይ ለገብእ ሐረሰታይ ዲብን እንዲ መጽኦ ዶል ልትሰኣል ክድመት ናይ ደዋ ውኣይም ረክብ ህሊ ሰበት እሊ እሊ መሽርዕ እሊ እግል እሊ እትሊ በካት ለህሊ ሰኒ ኔፍዳይቱ ለህሊ እግል ኣብል እቀድር።

ሰኣል፡- እሊ መሽርዕ እሊ እግል ዐበዮቱ ሚ በርናምጅ ጽቡጥ ህሊ?

በሊሱ፡- ሐዲስ በርናምጅ እብ ከሰስ ብዙሕ ኣስክ እሊ ለትከጠጠ ሚቱ ኢደሌት። ላኪን ለህሊ በርናምጅ እንዲ ኣሰኔን ወኣገረምን ሸቁን ምንገብእ እሊ እግል ናሱ ካፊቱ ለህሊ ሰበት እሊ ዲብ እሊ ጸብጣሙ ለህሌን በርናምጅ እግል ንፈድብ እንክድም ህላ።

ሰኣል፡- ሰዐር ወንብረ ናይ እሊ ኣካኩም ምን እያቱ ወክእፎ ህሊ?

በሊሱ፡- ነብረ ናይ እሊ ንዋይን ሐድ 70% ለገብእ ምን እሊ ጃርዲንቱ ለልትረከብ። እሊ ነብረ

ሰነት 1893 ኣሰብዔት። ዲብ 11 ሄክታር ለገብእ ኣርድ። ሐቀሁ ዲብ ሰነት 1958 ደነዳይ ለልትብህል በዐል ረኣሱግል ክም መጽኦ ህቱ ጸብጠዩ ወእግል ልሸቀዩ ኣሰብደ። ወእብሊ ለቀዲም በዐሉ ሰበት ሳሪሐ ዲብ እዲ ደነዳይ ተርፈ። ደነዳይ ህይ እግል ሐርስ ጠወረዩ ወዲብ 1200 ሄክታር ኣብጽሐዩ። ዲብ ሰነት 1970 ህይ ለትወቀለ በህለት እት ኤረትርፍ ሳልሳይ ደረጃት ለጸብጠ ጃርዲብ ገብአ ወብዙሕ እቱይ እግል ልትረከብ ምን ቀድረ። ዲብ ሰነት 1978 ላኪን ደርጊ ወርሰዩ ወዲብ ሐንቴ ሕኩመት ኣቶብዩ ኣተ ወሐድ እቱይ እንዲ ልትረከብ ምን ዲብ ሰነት 1991 ኤረትርፍ ክም ተሐረረት ሕኩመት



ኤረትርፍ ጸብጠቱ ወሐንቴ ሕኩመት ኣተ። ምን ኣስክ እሊ ህይ ሐንቴ ሕኩመት እንዲ ገብእ ምን ዶል እትዶል ተጠውር እትሰርኤ ዋሰል ህላ። ናይ ንዋይ መሽርዕ ህይ ዲብ ሰነት 1960 ቱ ለኣሰብደ። ኣነን ኣሐ



ኣክደር በህለት ሰዐር ወቃንጫ ዕፋን ከምሰልሁመ ሰዐር ሐምሌ ለልትብህል እሊቱ ለእግሉ ትበልዕ ለህሌት እሊ ኣኣ። ለ30% ህይ ክም ፍፋራከ ወፍራሰኪሉ። ሐሪጭ መሸለ ወላ መሰሉ ለንትፋሶ እቡ ህሊ እሊ ምን ለትፈናተ መኣሰሳት መጽኦ።

ሰኣል፡- ክልፍየት ናይ እሊ ኣነን ኩም ዔለ-በርዕድ ሚ ትመሰል?

በሊሱ፡- እሊ መኣሰሳት እሊ ዲብ

ወክናዘር ከምሰልሁመ ናይ ሐሊብ ለትዐሽግ ወናይ ሳልሰት ገብእ ዲቡ እሊመ ኣስክ መደት ሕርየት ኣተላላ ወሐቆ ሕርየት ሕኩመት ኤረትርፍ ተኣሰንዩ ወትክድሙ ህሊት። ሕነ ህይ ናይ ሐሊብ ወንጉጀት ሐሊብ መኣሰሳቱ ዲብ እንሸቁ ለህሌን። እትሊ ህይ ሐሊብ፡ ሐሰሰ፡ ፋርማጆ ወመርቶዳለ ቱ ለፈሬ።

ሰኣል፡- ለተርፈ ምን ለህሌ ለሸቅል እንተ ሰበት ተኣምሩ ሚ ትወስክ እግል?

በሊሱ፡- ሕነ እቱይ ለእግሉ ነኣፈሬ እግል ሸዑብ እብ ዐውል ራትዕ ነሃይብ ህሌን። ምስል እሊ ለህሊ እግልን መሻክል ናይ ከርህበት ሐል እግል ልግበእ እግል። እግልሚ እሊ መኣሰሳት እሊ ህደፈ እግል ተኣተላሌ ወእግል ትብጽሐ ለወጅብ ህደፍ እግል ትብጽሐ። እብ ጃንብን ገሌ ገሌ ለሳድፍ መሻክል እቡ እንዲ

ኢንትከራዕ እንክድም ህሌን ለሐል ላኪን ትረከብ ምንገብእ ደማነት እሊ መሽር ሰበት ለኣክድ መሰሉ ለኣለቡቱ ወደሐንኩም።

ሰኣል፡- ኣሰይድ ዐብዱልቃድር መሐመድዐሊ ድራር መስከብ ዐመል ወደማነት እጅጉማይት እንትም ለትቀንጹሉ ኣሸቃላት እግል ተትኣምሪን?

በሊሱ፡- ኣርባዕ ኣፍረዐት ህለው እግልን ምር ለደማነት እጅጉማይት እትገብእ። ካልኣይ ፈረዕ ኣትሐደሶት ወሰርሐ በህለት ምዋያሉ። ሳልሳይ ራዐዮት ግዱዓም ወራብዳይ ፈረዕ ዐመልቱ። ለደማነት እጅጉማይት ለእንብሉ ዲብ ሕቁቅ ኣግሩዝ ወራዐዮቶም ለገንሕቱ። ለፈራዕ



ኣሰይድ ብርሃኔ ነጋሽ

ተዕሊም ወመጃል ግፍየት እግል ልርከብ ክምቡ ወሐሊብ እም ወብዕድ እብ ውዛረት ግፍየት ለገብእ ተዕሊት ወእብ ፍንቱይ እትሊ ወክድ እሊ ልትሻብብ ለህሊ ኣብ ለኢረክቦ ኣግሩዝ ኣብ ክም ረክቦ ለመስል እሊቱ ለእቡ እንቀንጽ። ምስል እሊ ናይ ዕንታት ወእዘን መሻክል ላዕም ምልሰ ዐዶም እንዲ ትፋህምን ናይ ተዕሊም በክት ለረክቦብ ኣግቡይ ኣስክ መጻርስ ኣብርህ በህተ ኣሰመረ ወኣሰክ ኣነን ጽመማም ክም ልትሰኣኣት ገብእ።

ሰኣል፡- ኣሸቃላት ለከሰስ ህይ ሚቱ እትሊ ምዳርየት ለገብእ?

በሊሱ፡- ኣሸቃላት በህለት (ዕዮ) ለገብእ ነፈር ዲብ ሸቅል እግል ልኢቱ ገብእ ምንገብእ ሰልፍ ካርድ ናይ ሸቅል ለልሐዘቡ እብህሊ ልትሆብ ሐቆ ሸቅል ረክብ ህይ ምስል ለልኣሸቀዩ ኢትፋህመ ምንገብእ ወእሰትሕጋት ለከሰስ መ ምን ግልብ ክም ሰብ ምግብ እንዲ ገብአን ነኣትግርዩ ወሕቁቁ ክም ረክብ እንወዴ። እንሰጅክተር ለልቡሉ መ ብነ። እግል እለን እት ምዳርየትን ለህላዩ መኣሰሳት ሐርስ ልግበእ ወብዕዳት መራቀብት ወዴ ለሸቃላይ ሕቁቁ ረክብ ህላ ወላ ኢህላኒ። ንቁሰ ህላ ምንገብእ ህይ ሰልፍ ተሕዘር ለህይብ ወሐቆ ምን ሐልፈ ህይ ኣስክ ጀዘ ወዴ። ሕነ ህይ ክም መኣሰሳት ለዐቢት ለህሌት ምስልን እሊ ናይ ሐርስ ዔለ-በርዕድ መኣሰሳት። በዲር ህተ ሸቃላይ ሐዘት ምንገብእ እግልን ተኣሰሻል ወእብ ገበይን ሐብራ ልትሆብ ወሸቅል ለልሐዘ ዲብ ለትበህለት ኣነን እንዲ ጌሰ ልትሰጀል ወላ መኣሰሳት እብ ጠልቡ ሸቅል ለረክብ ዐላ። ኣዜ ላኪን ለጠላብ ናሶም ክም ወድው ገብእ ህላ። ሕነ ህይ እት ክል ሰለሰ ኣው ሰብ ወራሕ ምኖም ተቅርሪ እንነሰእ ወሕቁቅ ሸቃላይ እንራቀብ።

ሰኣል፡- እሊ ፈረዕ ውዛረት ዐመል ወደማነት እጅጉማይት ምን ልትኣሰሰ ዲብ መናበረት ግዱዓም ወምስኩናም ከምሰልሁመ እት ክሉ ጃብ ሙጅተማዕ ለኣምጽኣዩ ተቅደር ሚ መስል?

በሊሱ፡- ብዙሕቱ ክም መስል ዲብ እትሊ ኣብ ለኢኣለዎም ኣግሩዝ ለእንቤሉ እብ እማት ለልትራዐዩ ግሊላት ኣትሐደርት ወሰዳይ ገብእ ዐላ። እሊ ህይ ብዙሕ ተቅደር ኣምጽኦ። ዲብ መስኩናም ምን ንትሃን እብ ፍንቱይ ኣግሩዝ እብ ኣዳግ ኣስክ መደረሰት ለመጽኦቡ እግል ለህሌ እሉም ኣዳግ ልይትሆብ ዐላ። ሰልፍዮት ወላድ ለኢኣለቡመ ልትሆብ ዐላ እግል ሸብህ እግል ልትሐረኩ ለቀድር ሰበት እሊ ብዙሕ ተቅደርቱ ለገብእ።





መጅልስ አምን ወለዛልም ቀራራቱ ድድ ኤሪትሮፖ 23^ይ ክፈል

እብ ዶ/ር አሕመድ ሐሰን ድሕሊ

ተቅራር “መራቅባይ ሐሸም”

መራቅባይ ሐሸም ዲብ ዮም 10 ማርች 2010 ዲብ ምጅልስ አምን ለቀደመዩ ተቅራር እሊ ለተሌ ጽበዋ ብሉቱ። ሴድያይት ሼክ ሸሪፍ ይወላሉ።

1. መትዕዳይት ፈደራልዮት ሕክሙት ሶማሌ ምስል ሶማሌ ወሐረከት “አልሸባብ” እብ አትመጣጥር ትትረኡ እት ህሌት ድዲፈት ተ።
2. እብ ጀህት ቅያደት ጠያቦት ስያሰት ሰበት ይህሌት። ቅሰም አምን አሳሲያይ ብንዮት ትሕትዮት አለቡ።
3. ምስል ክሉ ቅዋት አምን ሕክሙት ሶማሌ እብ ውላድ ካርጅ ለገብእ እግል ተእሂላት ወሰዳይት። ልሰዕ ዲብ ክሉ ደረጃት ማርሒተ ወውሕዳተ ኢንዝምት ወእግል ተአድምዕ ለኢትቀድር ፋሰደት መአሰሰት ተ። አሰክ ዲብ አባያመ ስለሕ እግል ተአዝቤ ባጽሐት ዐለት።
4. እግል ፈራልያይት ሕክሙት ለልትህዮብ ክምሰል ስለሕ። ርሳስ ውበዕድ ዲብ ሙሰልሒን መትቃውመት ሐሸመትቱ ገይሰ ለህለ።
5. 80 ምእታይት ምን ተእሂል ለነሰእ ሶማልዩን ምስል ስልሐም ወርሳሳም ክምሰልሁመ ዐሰከርያይ ልባሶም ሀርበው።

እግል “እግል ልድሐን ቀድርቱ” ለትብህሊ እግል አድሐናት። እብ መትታይት አቶብዩ ወዱቅሪ ሰዳይት እዳረት አሜሪካ ዲብ ዮም 13 ማርች 2010 ፍንጌ መትዕዳይት ፈደራልዮት ሕክሙት ሶማሌ ወለ እግል አቶብዩ እንዴ ትብህሊት ለትሸረሐት መዝመት አሰፊ “አህል አሱነ ወልጃምዐ” ዲብ አዲስ አበባ እትፋቅዮት ትፈረመት። እሊ እትፋቅዮት እላመ እንዴ ተሌት ዲብ ዮም 19 ፊብረዋሪ 2010 መብደእያይ እትፋቅዮት ለትብህሊ ብዕድ እትፋቅ ትሳደቀ። ምን አሳሱ ህዩ “አህል አሱነ ወልጃምዐ” 5 ምህም ናይ ሰልጠት አካናት ተህዮብው። ሰር ምኖም ውዘረእ ካርጅዮት። ክርሱ ድፈዕ ወማልዮት እግል ልሰሚ ቀድር።

እት ረአስ እሊ አንፋሩ ዲብ ቅሰም አምን ወጃሽ እብ ዐለ እሎም ዐሰከርያይ ተፈውቅ አካናት ብዙሕ ዐለ እሎም። ክምሰለ ተቅራር መራቅባይ ሐሸም ለለሐብሩ። ውሕዳት ሕክሙት “ፋሰዳም” እግል ለአድመዖ ለኢቀድሮቶም ለዐለው። ለዲብ ሰነት 1991 ለተአሰሰት መዝመት “አህል አሱነ ወልጃምዐ” ዲብ ሰነት 2009 ለትሰረረተ። ክምሰል ቅወት ለብ ዲብ ሚዳን ሶማሌ ትትረኡ ይወላሉ። ለወቅት ለህይመ ግራህ ዲብ ሕክሙት ሼክ ሸሪፍ አሕመድ ደማን ለይወላሉ እሊ። ሕክሙት አቶብዩ እብ አቅረቡቱ እተ ዱቅሪ ዐሰከርያይ። ማልያይ ውቴክኒያይ

ሰዳይት ተ እግል ተሐጥጥ ለቀድረት። መራቅባይ ሐሸም ዲብ ሰበት ሶማሌ ለአቅረቡዩ ተቅራር። ቅዋት አቶብዩ ዲብ አጎስት 2009 ምስል “አህል አሱነ ወልጃምዐ” እብ ሕበር ድድ “አልሸባብ” ዐመልያት ዐሰከሪ ክምሰል ለሀርሶ አትአመረ።

መትደቃብ መሻክል ሕክሙት ሼክ ሸሪፍ

ለዲብ ጅቡቲ እብ ጅህድ ሕክሙት ሼክ ሸሪፍ አሕመድ። እብ ገሌ ናይ ምውዳቅ ጸሓይ ድወል ወናይ መንጠቀት ጅሃት ክምሰልሁመ እድንያይ መዝመት ከባካብ ትሩድ ምንመ ገብእ እሊ። አግደ ሰብብ መሻክል ሶማሌ እግል



አርህዮት ለለአደሚዕ ዶር ኢዐለ እሊ ሌጠ እንዴ ኢገብእ እብ መሻክል ክርስ ዳዮሰ። ገሌ ምን አሰባብ ህዩ።

1. ለሕክሙት። ምን ካርጅ እብ ፍንቱይ ህዩ ምን እዳረት አሜሪካ ወሕክሙት አቶብዩ ውበዕዳም ናይ መንጠቀት ቅዋት ለተህዮብዩ ዐገል ስያሰት እት ፍዕል እግል ተውዕል ትቀሰቡት።
2. ለሕክሙት። ምን ቴልዮት ዐብደሊ ዩሰፍ እብ ላቶም ምን ሴድዮት ቅዋት ወምን መአይደት ሼክ ሸሪፍ ሼክ አሕመድ ለትከወነት ሰበት ዐለት። ህዮም ህዩ ለትፈናተ ስያሰይ አጃንዳት ወናይ ክርስ መሻክል ሰበት ዐለ እሎም። ምን እምበ ጠቢዕያይ አግቡይ ለትወለደት እተ አምዕል እንዴ አሰተብዳት ትሸለሉት።
3. ሕክሙት ሼክ ሸሪፍ ዲብ ረአስ ሶማልዩን ወእብ ቀሰብ ድወል ካርጅ ለትከወነት ሰበት ዐለት። ዲብ ሐንቱ ናይ ካርጅ ቅዋት ብህለት ቅዋት ኡጋንደ ውብሩንዲ እት ትትዐቀብ ሰበት አተላሌት ለታኬቱ

ናይ ሸብብ ተእደድ እግል ትርከብ ኢቀድረት።

4. ሕክሙት አቶብዩ ሴድያይት ሼክ ሸሪፍ ይወላሉ። ዲብ ረአስ ኮሎኔል ዐብደሊ ዩሰፍ መ ገሌ ተሸክካት ዐለ እሊ። ለዲብሊ ወክድ ለህይ ምህም አካናት ለዐለ እሊ ተንዚም “አህል አሱነ ወልጃምዐ” ለትሰዴ ለዐለት። እሊ ህዩ እግል ዐናሰር ሼክ ሸሪፍ ወኮሎኔል ዐብደሊ ዩሰፍ ለክደ ዐለ።
5. ዲብ ክሉ መአሰሳት ስያሰያይ። እቅትሳድያይ ወእዳርያይ ፈሳድ ሰበት አስሐበቡ። ምን ክርስ እንዴ ሐሰከ ክርዐዩ። ዓም ረአይ መቃዲሾ ውበዕድ መዳይን ሶማሌ ህዩ ድድ እሊቱ ለዐለ።
6. እት ወርሕ ማዮ 2010 ፍንጌ ሰብ ሰልጠት ርአስ ሕክሙት

ሐሰን ሼክ አሕመድ እንዴ ሐድገዩ እግል ሊጊስ ትቀሰቡ። እት እያም ወራር ኢትዮጵያ አካኑ አደም ማዱቢ ቱ ዳብአ ለዐለ።

7. አንፋር በርሎምን እተ ሕክሙት ወሙሰተቅብለ እምነት የዐለት እሎም። አክል-አክል ዲብ ሞቃዲሾ እት አርወሐቶም ፈሩህ ዐለው።እብሊ ህዩ ሰር ናይ አንፋር በርሎምን እት ሰልፍ 2010 ክሎም ምን ሞቃዲሾ ፈግረው።

ኤለክትሮኒካይት ሸበኩት “አልሙኽተሰር” እት ጀኑወሪ 2010 አብ ሐበረተ። ናኢብ በዐልመንበር መሐመድ ዑመር ጠልሐ። አንፋር በርሎምን ዲብ ቀበት ክልኤ ሳምን ሞቃዲሾም የአቅብለው ምንገብእ ምሰዳር ክም ትነሰእ ዲቦም እግል ለአትፋርህ ትቀሰቡ።

9. ቅዋት አልሸባብ ወአልሙጃህዲን ወዋሕዳት ሕዝብ እሰላሚ ህዩ እተ ወክድ ለህይ ሕልቅም ሼክ ሸሪፍ እግል ልሸቀ አሰክ ሞቃዲሾ ትባደረው። ክምለ እት 12 ጁን 2010 እት ሞቃዲሾ ለትረኡ ህዩ እት ቀበት ዋሕዳቶም ፈንጨጋር እት ልትኬለም ሰበት ጌሰ እት ደግሸ ዐሰከሪ በጽሐው።

ሐረከት እሰላምዮት ዲብ ሶማሌ

እሰላምዮን መትቃውመት ሶማሌ እት ቀበት ምሮ ተንዚም (አልቃዲደ) ለልትሐርኮ ሕድ ላጸጣም ቶም እንዴ ትቤ ሐሰብ ጌገ ዐቢቱ። ክምሰልሁመ እብ ሐረከት አልሸባብ አልሙጃህዲን አው ሕዝብ እሰላሚ። አውመ እብ ማርሐቶም ክም ከረ ሐሰን ጣህር ኡዌስ አው መሐመድ ዐብዳ ጉዳኒ እግል ትሸርሐም

8. ውዘረ እብ ሐሸምት እብ ምራድ ኖሶም ጠለቆም ህዩ መሻክል ሕክሙት ሶማሌ እት ልትኬለም ክም ጌሳቱ ለለርኤ።እት ዮም 10 ጁን 2010 አርበዕ ሶማልዩን ውዘረ ስልጠቶም ሐድገው። ህዮም ህዩ። ወዘር ደውለት እት ቀድያት ድፈዕ። ዮሱፍ መሐመድ ስያድ አንዳዳይ። ወዘር ቀድያት ካርጅ ዐብደልርሕማን ዐብደልሸኩር። ወዘር ደውለት እት ዳዋን ሕክሙት ሐሰን መዐልም መሕመድ። ወዘር ዓዳት ወለዓሊት ደረጀት ተዕሊም መሐመድ ዐብደሊ አማር ቶም።

ወዘር ዕላጃት ኻርጅዮት ስልጠቱ እተ ሐድገ ዲብ መደት እተ ህዮ ሸርሕ “ርአስ ሼክ አሕመድ ሼክ ሸሪፍ እት ቀበት በርሎምን ለትረኡ ፈርግ እት አሰከቡት ፈሸሉ። ማርሒቱ ህዩ እት እዴ ፋሰዳም በርደት። ወሕክሙት ሶማሌ እዳረት ሳልሐት አለቡ። እግል እሊ አዜ ለህለ ገዛም ሙጅተመዕ ዐለም እግል ለርትዮቱ ለትብል እምነትመ አሰብዩ እት ክሉ መጃላትቱ ለፈሸለ” ቤሊ።

ለልትቀደር ኢኮን። እት ሶማሌ 13 ሐሸም እሰላምዮን ሐረከት ህለዩ። ህዮም ህዩ ሐሸም

“ተጀመሮ እሰላሚ”። “አል ሸባብ አልሙጃህዲን”። “መጃልስ እሰላሚ ሶማሌ”። “ተሓላፍ ዳግም ተሕሪር ሶማሌ”። ሐሸ መቃወመት “ክታብ አሱና ወሶሬያ”። “ሐረከት ተሰሊሕ እት ቀር አፍራቀ”። “ጀብህት እሰላም ሶማሌ”። “ሕዝብ እሰላሚ”። “ተራብዋ ሶማልዩን ዕሎማም”። “ተክፈር ወሂጅራ ሶማሌ”። ሐሸም “መሐብረት ወመፈሰረት”። ተንዚም “አሃል አሱና ወጀማ”። “ዋሩቅ አሰፍያ ሶማሌ” ቶም። እሎም ሶማልዩን ሐሸምት እሰላም እሎም። እት ፍንጌ ተጠሩፍ ወምግባይ መባጥር ለወድዎ ግዕዕ ሌጠ እንዴ ኢገብእ። ናይ አይድዮሎጂዮት ወዲን እምነት መትታይመ እት መጅተመዕ ሶማሌ ተእሰር ዐለ እሊ። ክምሰሁመ ክልኡት ዕቁድ ለገብእ (20 ሰነት) ለአተላለ እት ቀባይል። አቃርብ። ጅንሰ ለተንከብ አከይመቅሬሕ ግዴቱ ዋዲቱ።



ወራት መ.ወ.አ.አ.ኤ ፈሬዕ ምዴርየት ሎጎ ዐንሰበ

ሙናድላት ጽገወይኒ ገብረሰላሴ መስሎት መሕበር ወጠን አዋልድ አንሳት ምዴርየት ሎጎ ዐንሰበተ። እብ ክሱሰ ወራት መሕበር እተ ምዴርየት ሃድጋም ምሰለ ዐልኑ። ለሀብተናቱ መብርሂ ሆይ ክእነ መሰል።

መርከዝ ምዴርየት ሎጎ ዐንሰበ አቅሊም -ጋሽ በርክ ላተ መቀርክ ምን አሰመረ እት 24 ኪሎሜተር ጀሆት ግብረት ምውዳቅጸሓይ ለሀሌት ተ። እተ ምዴርየት ሰለሰ መካፍል እዳረት ሀሌ። ሎጎ፡ ቅብሊት ዐንሰበ ወምግብ ዐንሰበ። እት ሐንቴሁ ሆይ 22 ዐደታት ወዐስር ሰለሰ እዳረት ደዋሐ ልትከምከመ። እትሊ ትብሀለ ንዛም እዳረት፡ መሕበር ወጠን አዋልድ አንሳት ኤረትርየ አቅሩድ ብእቱ። ሰጃላት አንፋሩ 4528 በጸሐ ወእት ክል ቂሾት ወእዳረት ደዋሐ ልትከምከመ። ለመካሪት ምድር እበ ሰመሐ ሆይ፡ ምን ተሐት እብ ሐሽምት ሕም-ሕምሰ ልትዝመ ወእቡ እት ልትከምከመ ለተርቲብ መጅሙዐት፡ ፈሬዕ ንኡሽ ወፈሬዕ እት ልብል ልትወቀል።

አግደ ሸቅል መሕበር፡ አፍዝዖት ቱ። ለፈዝዐት ወዕን ለከፍተት ዋጅብ ወሐቀ እንዴ አመረት ለተሐይሰ እግል ትሕሬ፡ ጭዋት እግል ተአርቲዕ ከእት ዐቦት እግል ተአሳድር ወምሰትንክር እግል ትሸቁ ክም ትቀድር ሰባት ለአምን። እት ሸባብ ወእት እንቱ እት ደረሰ ሆይ ዝያድ ልትሐሰር፡ እግል ልትዐለመ፡ መትጃግረት፡ ሚህዘት ወመረብየት እግል ልግበእ ከድም፡ መስተቅበል እለ ወጠን ህተን ምንገብአየ።

እብ ዓመት ሆይ ክለን አንሳት ሐቀን ወዋጅብን እንዴ አመረየ እብ ተአሰትህል እት ሐይት እጅትማዕየት፡ ሰያሰት፡ እቅትሳድ ወዓዳት ሻረከየ ምንገብእ፡ ሕርየት እቅትሳድ እንዴ ረክበየ ምን አተቅበሎት እዴ ብዕዳም ለአባርየ፡ ደማነት እት ረሐን ተሀሌ እለን፡ ዓዳት ዴራይ ነክረ ወእግል አሰረቶቱ ልትዐንደቀ፡ለትሓውነን አፍካር ወበሀል እብ ዐመለን ክም ልትፈለል ወድየ። እት ተዕለም እግል ልፈድብ ለብእተን ደረሰ ሌጠ ኢኮን፡ እማተን ዕልም ወማዕሉማት ራቴዕ ሐቆ ረክቡ፡ ደረሰ ሳልሐት፡ ፋዝዐት ወዕጽምት ለዓብየ። ዓፍየተን ለዐቅብ ወዐፋያም ረብየ

ከዓይላት ክለ ደሐን ትረክቡ። ሰን ዓይላት ሰን ወጠን እብ ከማላቱ።

አግደ ሸቅል መሕበር አፍዝዖቱ ምንመ ልትብሀል እግሉ ለሰዴ አሸቃል፡ እት ዐማር፡ ዐለሞት ምህናት፡ አዳበርት እቅትሳድመ ቅድረቱ ወዴ። እተ ምዴርየት አንሳት እብ እቅትሳድ ረሐን እግል ልቅደረ ምን መደት ሰውረት እንዴ አንበተ ልትሸቁ እቱ ለዐለ መጃልቱ። ከእተ ሐቆ ሕርየት ለትነሰአ ምስዳራት ምን ነህድግ፡ ምን ሰነት 1996 እንዴ አንበትክ ወራታት አትሐደርት ሕገዛት ገብእ ዐለ። እተ እዋን ለሀይ ምን ልጃእ ለዐቅበለየ፡ ምን ዴሽ ለትሳረሐየ፡ እማት የታይም አው ጸር ዓይላት በይነን ለራፍዓት፡ ክምሰልሁመ ሕገዛት ብዝሓት ዐለየ። እለን መንበርሆን እግል ለትሐይሰ ሰዳየት አድግ ወግርብ ገእት እለን። ለወክድ ክእነ ክም የም አዳም ማይ ምን ቅሩብ ረክብ ኢዐለ፡ ምዓሞን ረይም ወርድ ሰበት ዐለ መስለላት ሐትክ ማይ ክብድት ዐለት። ለመሕበር አዋልድ ወቅተን እት ወሪድ ማይ እንዴ በደ ምን መድረሰት እግል ኢልትዐጠሉ፡ እብ አድገን ወግርባህን እንዴ ትነፈዐየ አጀኒተን ማይ እት ደንኮ ወዕጪይ እት ለአዘቡ እበ ረክቡ እተይ ድራረት ዓይላት እግል ትዕቤ ጸገም ገብእ ወፍሬመ ትረከበ ምን።

እብ ንዋይ አትሐደርትመ ካልእ ወቀይ ዐለ። እግል ትፈረገየ እማት ክል ምን ምን ሐምሰ አሰክ ሰቡዕ ረእሰ ምን አግል አው አባጌዕ እንዴ ተሀየቦት ንዋየ ተብብ ወምኑ ትጸቤሐ ወተአዘቡ፡ ህታመ እብ እንክረ ምን ተዋብ እግል ኢረክበየ ዲብ ተሀይብ ሓርያት ክምሰልሀ በክት ረክቡ። እብላ ገበይ እለ አሰክ ሰነት 2015 ዝያድ 1000 እሴት ሰብ ተዋብ እግል ሊዴ ቀድረ ለመሕበር።

እምበል እለመ፡ ምን 1996 አሰክ 2014 አነን እም ወአብ እንዴ ደብአየ መስሎልየት ዕያል በይነን ለራፍዓት አንሳት እብ እቅትሳድ ረሐን እግል ልቅደረ ምን ሀሌት ገየት ለመሕበር ሰልፈት ለሀይብ ዐለ። እበ እለ ረክበየ ሰልፈት እት ተጃረት ለትከሰአየ፡ ንዋይ ለተወበየ ወእት ብዕድ መክሰሰ ለትፈረረየ ከድራረን ለመልከየ ብዝሓት ተን።



አዋልድ አንሳት ሰር መጅተመዕ ተን ለምር ሰምጠን እብ ፈዛዐቱ መጠረን ኢገንደለ ምንገብእ ታመት ዐቦት ወመሳዋት እግል ትበጸሐ ለልትቀደር ኢኮን። ምሰል አንሳት ለሀሌት ቅድረት ሆይ ገበል እንዴ ኢልትነፈዕ እበ ተርፍ፡ ወእለ ከሳረትተ ድኢኮን መክሰብ አለበ። እብ አሳሰ እለ ለመሕበር እግል ክሉ እግል ለአፍዘዕቱ ለልትጸገም። አማንተ እግልን እብ ፍንቱይ ለለትሐዘ እጅትማዓት ሀለ ትብል አሰይደ ጸጌ” አንሳት



ለደርር ወፍሰን ለሻርክ እቱ ዓዳት ክም ክሸቦ አንሳት መሰል እግል ጋብሆት፡ እት ሰልጠት ሰያሰት መትጃግረት እንዴ ገብአየ እግል ልትሐረየ ወልሕረየ ለከረዐን ሀለ ምንገብእ እንዴ ሀድገየ ዲቡ ሐል ለመጽእቱ ለልብላህ አፍካር እግል ልትባደለ በይነን እንጀመርን” ሐቆለ ትቤ። “ደረሳመ ምሰል እንጀምራም ላኪን ፍንቱይ አንሳት ለኸሰሰ ዝያድ እንትብህ ለለሐዘ ቀድያት ምን ለሀሌ በይነን እግል ልናቅሽ እቱ በክት ነህደብን። ለትሰረረተ ምሰል ብዕዳም ሰብ ሸርከትነ እዳራት ልግበእ ወጀብህት እንዴ ትመቅረሕን እግል ክሉ ሸባብ አንሱ ወተብዐቱ ቱ ለነፈዘዕ” ሆይ ወሰከት። እንዴ አትሌት፡ “እለ ሸባብ እለ ምሰል ሰውረት ሰበት ነብረ ወዐበ እት መሳዋት አንሳት ለሀለ እሉ ፈሆም ወቁልቱ፡ እት

ሂበት መስሎልየት ናሱ ዝያድ እግልንቱ ለለአምኖ እት ዐመል ሰበት ለአሙረን” እት ትብል ተጃርብለ ሸባብ አፍሀመት።

እትሰን ለሐልፈደ 33 ሰነት እት ሐይት አንሳት ሚ ተቅዩር ክም መጽእ እብ ጌማም አሰይደ ጸጌወይኒ እለ እሉ ሀድግ ጸንሐት እብ እቅትሳድ ረሐን እግል ልቅደረ ለትነሰአ መባደራት እት ረሐን ደማነት እግል ተሀሌ እለን ሰደየን፡ ለመሕበር አክል አዩ ደረጀተን እግል ልርፈዕ ክም

ኤረትርየ ሆይ ፈድል እሰትሸሃድ ናየን፡ ናይ ውላደን፡ ሐዳረን ሐወን ወሐዋተን በለድ አማን ጋብአት ሀሌት። እለ እብ ብሩድ ለኢትረክበት ሰላም ዲመ እግል ትዳይም ሆይ ለኢለትካርም ግድለ ወሰባት ምንእነ ለገበል ኤረትርየ አንሱ ወተብዐቱ ተሐዘ። አንሳት ሎጎ ዓንሰበ እት ክፈሐ ወሰባት ከፎቱ ጸገመን እብ አፍ አሰይደ ጸገወይኒ።

“ ለሰላምን ደማን ሀበዖህ፡ እለ ማሌ መጽእ አሙቱ ኢተአመረት ሐርብ ሌጠ እንዴ ኢገብእ፡ ወራር ወያይ ለአናብት እት ሀለ(1998) እትሊ ባክትነ እግል ብእኒ ወጠን ዲብ ኪወ ዐማር ለፍሩር ዴሽ ዐለ፡ ለወራር ክም ቀንጸ ምን እለ አነን ትብገሰ። አንሳት ናይ መቀርክ ክለን እትሊ መክተብ እንዴ መጽአየ፡ እሎም አንፋር ዴሽ ዲብ እለ ከዛን በነ፡ ጸርግየ ለአሰኩ . . . ዐለው አየ ጌሰው፤ ቤሊያ። ድሊት ሀሌት አለቡ ለሐብሬ ክም መጽአት ምሰል እግል ንርአያቱ እበለን። እብላ የአግኮየ ምን ክል ዐድ መስሎላት መሕበር እንዴ ትከምከመየ መጽአያ። ‘ህቶም ፍሩራም ሀለው፡ ሕነ ሆይ ሚ ኒዴ’ ቤሊያ። አዘመ ሐብሬ ትጸበረ እበለን። ለሐርብ ክም ትወለዐ ክለን ብልሰ እንዴ ቤለየ መጽአየ። እትላ መቀርክ ዲብ ምር ሰሚናር ሌጠ ሐድ 160.40 ግራም ደሀብ ምን ነፍሰን እንዴ መላጠጠየ ሀበየ። ክምሰልሁመ ከሸር፡ ዋሕኒ፡ ንዋይ ንኡሽ ወብዕድ ሴፈ ዴሽ ለገብእ ነበራት አዳለየ። እቡመ ኢትገሰየ ሕነ መጀርሐንን እግል ንርኡቱ እንዴ ቤለየ እበ ሀለ እለን ጽብዋ አሰክ ጎናይ ሳግለ አ/ግብለት በጽሐየ። አሰክ ደንገበ ሆይ ለሀሌት ዝሕረተን ወምዕቅረን እት ፈተሐ እግል ቅዋት ድፈዕ ትበረዐየ። ለወራር ክም ሀምዳመ እት ሕክምነ ዕንታት ለዐለው ጀራሒን እግል ልርአየ ጸብጠተን እንዴ ረፍዐየ ጌሰየ።

ልተላሊ . . .





መአሰሰት አዜብ፡ ዶር ዛይድ እት ሐሊብ ወፍገራቱ (4ይ ክፋል)

ሐሊብ ወፍገራቱ እት መናበረት አዳም ዶር ወቁል ቱ ለሀላ እሉ። መሸርዕ ፈርያት ሐሊብ አዜብ፡ እት ሰንዖት ሐሊብ ወፍገራቱ ርኢይ ወሳፊ ካድም ለአገሪቱ ለሀላ መሸርዕ ሐርስ እሙር ቱ። አሸቃሎ፡ ተጠውራቱ። ወናይ ሙስተቅባል ስታቲባቱ። ክምሰልሁ መተግራብ ርሐ እግል ለሐኪ። መጀለት ፍሬ-ካድም ምሰል መመቅራታይ ሸቅል ናይላ መሸርዕ ሻብ አብርሃም ሚክኤል፡ ህጅክ ፋይሐት ዋድዮት ህሌት። ጸብጥላ ህጅኩ፡ 4ይ ክፋል ልተላሉ።

ቱ ህዩ ላዝም ሸባብ እግል ልአተው ዲቡ ስም ለአቤለኩ። እት ሰነት 365 ምዕል እግል ትሸቁ ብኩ። ዕርፍ ልቡላ አለቡ። ሰነብት ቱ። ዲድ ቱ። ህዳይ ብዩ እት ትብል ምን ሸቅል እግል ቱቁብ ኢትቀድር። መሰል እግል ሀበኩ። እት ህዳይ ሕቼ። አሰክ ሳቦት ሰሰ እት ሸቅል ወወልኩ። ሰበቡ፡ ለሸቅል ፈረገት ለአሊህይበክ ወለአጠልቀክ ወቅትም ሀላ። መንበረትክ ክርምት ተ። ተበባት ወጨቅጥ ሀላ። አዳም እት ሰክብ ወለዓርፍ። እንተ ሰክብ አሉብክ ወዕርፍ።



አዜብ ምሰል ፈርያት ሐሊብ



ሻብ አብረሃም ምክኤል

ሰአል፡ ተግራብክ ዲብ ብዕዳም እግል ተሓልፍ ለአሰሰት መሳይራት ምን ለሀላ?

በሊሱ፡ እት መአሰሰት ለአድረሰናሆም ብዝሓም ሸባብ ሀለው። ምን ዐዲ-ሃሎ ለመጽኢት ሸባብ ሀለው። አዜ ዲብ ዓለ-በርዕድ ዲብ ሸቅል ክሰእም ሀለው። ሸቃለ ናይ ብዕድ መአሰሰት መ እግል ነአድርስ ዱሉያም ሕነ። እት ተአደርስ ለትደርሱም ብዙሕ ሰበት ቱ። እግል መደርሰም ሴድያይ ቱ። ሰበት እሊ ለናይ ደሪስ ወአድረሰት መጃል እግል ለአንብት ቡ እብል።

ሰአል፡ እት ሐሊብ ወፍገራቱ እግል ልግበእ ለቡ መትደጋግ?

በሊሱ፡ እት ሐሊብ ወፍገራቱ ለገብእ ጌን፡ ሰላዲ አው ዐፍሽ እንዴ ኢገብእ። አርወሐት ቱ ለቀትል። ሰበት ነሓፍት ሸባብ ዲብ ሐሊብ ለሐይሰ ገብእ። እት ርግኦ ወጅብን ላኪን። ለቅድዮት ናይ ሞት ወሐዮት ሰበት ቱ። ኩሉ ረአሱ ክለጥ ለአልክህል ሸቅል ቱ። ሰበት እሊ እት ክሱት ለዐለ ወእብ አዜ ለልትክሰት መሳይራት ሐሊብ ወፍገራቱ። ዲብ ዓፍዮት ሐሊብ ሌጠ እንዴ ኢገብእ። ለፈርያት ሐሊብ ለራቅብ በዐል መቅደራት መጃል እግል ለሀላ እግልን አው ክም ሸቃላይን እግል ልግበእ ለጀብር ቃትን እግል ለሀላ ቡ እብል። ሸኡን ክህረበት አው ተላጀት እት እንታጅ ሐሊብ ምህመት ተ። ርግኦ እግል ለአዝቡ እግልክ ለሀብካም ሰብ ደካኪን። ሰለሰ ምዕል ክህረበት ባትክት ምኑ ክም ዐለት ወዲብ አካት መብረዲ ሰኔት ክም ኢትከረ ዳልያም እት

ክጠራት እግል ልካሩ ኢወጅብ።

ሰአል፡ እት እንታጅ ሐሊብ መቀየስ በቃዕት ህለ ገብእ?

በሊሱ፡ ቅሰም ቃትን ወመራቀብት ወብረት ሐርሱ። ለሰጃዕ አግቡይ ራቀብት ወዲ። እሰልፍ ተአነብት እት ህሌክ ሸባብ ለአርሄ እግልኩ። ገሌ ክም ሸቅል ላኪን። እግል ልወጅሁክ ለአነብቱ። ለትገብእ እግልን መራቀብትም አርትክ እብ ደረጃቱ ትትፈናቱ። እግል በዐል ምህንት ወቁድራይ ለወድወ መራቀብት ወእግል መአንብታይ ለወድወ ሐቱ ኢትን። ላኪን ወብረት ሐርስ መትናይታይት ሰዳይት ክም ትወዳ እግል እወዳሕ እፈቱ። አሰክ ናይ ካርጅ አብብት መ እት ክሰተት። ተግራብ ለትረክብ እበ አርደት ተአጠፊሕ። መሰለን። እን እበ ወብረት ለረከብክወ አብካት። ዐባዩ ሰብ መቅደራት ወሐረሰቶት እንታጅ ሐሊብ እት ሻረከው ዲቡ ወዕላታት ወእጅትም። እንዴ ሻረኩ። ለዐለት እዩ ቅድረት እት ወቀሱት ሰዳኒ።

ሰአል፡ እሊ ምህንት እት አጅያል ሐዲስ እግል ተአሰሰትክ ሚ እግል ልግበእ ቡ ትብል?

በሊሱ፡ ለልአሰፍ እት መብዝሐ መአሰሰት ጅብን ለሀለው ሸቃለ ምላዐል 60 ሰነት ለዓማሮም ደገልል ቶም። ሸባብ ሐዳም ቶም። ህቶም ሕሱራም ኢመሰሉኒ። ሰበት እሊ ዶር ወመሻረክት ሸባብ እግል ሊዚድ ሸቅል ትሩድ ለአትሐዜ ሀላ። ሰበቡ ክብረት ለነሰእ ወለልዐድዮ ጂል ሸባብ ቱ። እንታጅ ሐሊብ ወሰወሰ ለልብሎ ሸባብ እም እግል ልትሸቁ ቡ። እበ እሊ ወዳኒ ሸባብ እግል ንሰልሙ ብኩ።

ሰአል፡ እግል ሚ ቱ ሸቅል ሸባብ ቱ ትብል ለሀላክ?

በሊሱ፡ ሸቅለት ሰኔ ክብድት ተ። ሐሊት ወወክድ ለጠልብ ቱ። እቡ

ሰአል፡ ምን እንታጅ ሐሊብ ጅብን ዐውሉ ቃሊ ክም ቱ መፍርዮቱ ልትሐመው ረአይክ ሚ ቱ ወሕሉሉ ሚ ቱ ትብል?

በሊሱ፡ እዋፍቅ ዲቡ። እት ዐድን እብ ተአኪድ ረኪስ ይህላ። መሰለን እት ግግራን ድወል ምን እንረኪ። እት ኡጋንዶ 24 ሰንቲም (ናይ ዶላር) ቱ ሊትር ሐሊብ። እት ኬንያም 23 ሰንቲም ቱ። ሱዳን 43 ሰንቲም። ዲብ ህዩ አሰክ አር ዶላር ወሰር ቱ። እት ዐድን እግል ልቅሌ ህዩ ሐቁ ቱ ትብል። ለሰበብ ቀሎቱ ህዩ ዐለፍላ ንዋይ ቱ። እት ህደግክወን



ሰከፍደን ሐርስ እት መሰነዕ ሐሊብ አዜብ

ድወል ላኪን። መሳይራት ዐባዩ ሰበት ሀላ። ዐለፍ ንዋይክ እግል ትርክብ ምሸክለት አሉብኩ። ክሳር ንዋይ እብ ክልኤ ገበይ ትትረኩብ። ለሐቱ ምን ተረርፍ መሳይራት ለትትረኩብ ነብረ ቀመማት ተ። መሰለን። ምን ሸንጎይ ፊኖ ለሸቁ መሳይራት። ለሸንጎይ እግል አዳም ገብእ እት ሀላ። ለፍሩሰክ ወገፈጭ ብዕድ ህዩ ዐለፍ ንዋይ ገብእ። ምን መሰነዕ ዜድመ። ለዜድ እግል አዳም ወለኪክት ዜድ እግል ሐዋናት ነፊዕ። ምን መሰነዕ ሰከርመ ገለፍ ቃንጨ (ሞላሰ ወሞጋሰ) ትረክብ። ምን መሰነዕ መልመላታመ እት ክምሰልህ ለ30 ምእታይት ጸብጥ ለቡ ሕፋስ እት ዐለፍ ሐዋን ልውዕል። መሳይራት ብዙሕ ለሀላ እለን ድወል። ለተረርፍ ክም ዐለፍ ንዋይ ልትነሰእ። ሐሊብ ቅዙር ህዩ ልትረክብ ክልትሰነዕ። ለካልኦይ ዓማት ህዩ አክደር ዐለፍ (Green feed)ቱ። እሊ እንዴ በልዐት ለትትረኩብ ሓመ ህሌት። እትሊ ዋውራት ላተን ድወል አየርላንድ ወኒውዚላንድ ተን። አየርላንድ እብ ጅብን እሙራም ቶም። ሓሆም ቀንጭብ ቱ። ምን 25 ሊትር ወለዐል

ኢትትሐሉብ። ላኪን ዐውል ሐሊብ ረኪስ ቱ። እት አየርላንድ ለሐ ለኢትዕጨደ ሰዐር ኖሰ ትብሉዕ። ሕነ ህዩ እት ፍንጌ-ፍንጌ ጸንሐኒ። ጥልያን ሸብህ ሰዐር- ክቡድ ወገሌ ብርሲም አርኤኒ። ሐቀሁ ለመጽኢ ቱክፍሎጂ ዐለፍ ላኪን ኢጸንሐ እግልኩ። እብ በገሰ ኖሰናመ ጥውራሙ ኢጸንሐኒ። እምበለ ምን መሳይራት ፊኖ ለልትረክብ ገፈል። ብዕድ ሕርያን ሀላ መሰለን ይዐለ። ሰበት እሊ። መሳይራት በዝሐ ምን ገብእ። ክምሰል ናይ አየርላንድ ካሬ አክደር ዐለፍ አንበትን ምን ገብእ። አሳሰ ሰበት ሀላ እል። ዐውል ሐሊብ ወእንታጅ እግል ልርክሰ ክም ቱ አኪድ ቱ። እት ቅሩባት እት መግሉ ክም ልውዕልመ እኩድ አኒ።

እግል ልርክሰ ቱ። መሳይራት ዐለፍ ንዋይ ክም በዝሐ ህዩ። ክም ረክሰ ሸክመ አለቡ።

ሰአል፡ አፍሪካት ኮምፖስት ህዩ። መሰነዕ አዜብ እብ ከአፎ አንበተዮ?

በሊሱ፡ ኮምፖስት። እበ እት አፍሪካት ለሀላ ሓጃት ለተአዳልዩ ይቡስ ጠቢባታይ ሸፍር ቱ። ሕነ ሰደፍ ለአንበትናህ። እት በር ሰበት ህሌን። ሓነ ጨፊዕ ብዙሕ ተአፈግር። ተረርፍ ናይላ ሐርስ ወለዐለፍመ ሀላ። ናይላ ጨፊዕ ወሐሊብ ሕቃን ጸናታት ድሞራትን ለአክሴሕ ክም ገብእ። ወአዳም ክም ራብሸ። ለሸፍር እግል ልግግኖ ከረ አቡዩ ክም ትጀረሰው። አዜ ላተ እብ ሐዲስ ክም ልትሸቁ ኒደዩ እት እንብል ወንትጋሚ። ለከሳይር አንበተቱ (Initial investment) ምላዐል ቅድረትን ገብእ። እት ደንግብ ሰነት 2010 ዲብ ገሉጅ ለጀራብናህ ወለፈሽለ ምን መሸርዕ ሐርስ ዐለ። ሰዳይት ምን ወብረት ሐርስ ነሐዜ ክም ህሌን ዶል አሰለልን ህዩ። ፍቃዱ ተሰፋ፣ሚክኤል ለልትሀላ በዐል መቅደራት እብ ዕሉም ትርብት “Applied Soil Science” ድሐር ሰበት ቱ። ወመቅደራት ሕፍዘት ማይ ወትርበትም ሰበት ቡ። እግል ልሰዳኩም ቀድር ቤለው ክነድአው ዲብኩ። ለዶል ፍቃዱ። እብ ክሱስ ኮምፖስት ህዩ ደለ እሊ ለአምር ለሐብረኒ። ለልአትሐዜን ተረርፍ እክል። ሰዐር ወክሶ ህዩ እት ቤትን ዐለ። ዲብ መመቅራታይ ሸቅል ሸርክት ብክእ ሰገን አሰይድ ተሰፋይ ገይትአም እንዴ ጊሰኑ። ገሌ ጽረብ ዕጨይ ገፈሽ ምን እንረክብ ትሰአልናህ። እብ ዐውል ረኪስ እንዴ ተመኑ። ምን ደንገሎ እግል ንንሰእ ሰምሐ እግልኩ።

እት ቀንብያትን ሐጉይ ለዐለ አሰዕር እንዴ ሐዮብኩ። ምሰል አዳረት አቅሊም ምግብ እንዴ ትፋህም። እት ሸዋሬዕ አሰመረ ለሀላ ዕጨይ ሸባክ ምኑ አቅሹን እብ ቀጠፍ እንዴ ባተክኩ። ለቀጠፍ (ሰፊር) ጋሽበርክ አምጸኢናህ። ለዶል ለህ ኮምፖስት እብ ለሐሰት ደረጃቱ እግል ንትነፈዕ እቡ አንበትኩ። ጸነ ወጭንጨ ህዩ ምን አፍሪካትን በደ። ምን መደት ለህ ወእንሰር ህዩ ኮምፖስት ሰኔ እግል ነአፍሬ አንበትኩ። እት አቅሊም ምግብ እት ፍሬታት ክበሰ ገብእ ለዐለት ፊራራላ መሸርዕ። ምን ኮምፖስት ነሰአው ከአንበተው። ወዲብ ሱዳንመ ነአዘበ ዐለኩ።



መአከብ ጅብነት

ሸባብ

ዶ/ር ዐ-መር ዐ-ሰጣን



ጅብና ጣቀት ዳይመት ወጣት



iStock
Credit: Deagreetz

ሸባብ ለትሩድ፣ አምር ወእግል እጅርብቱ ለልብል ፍክር ለመልክ ክፋል ምጅተመዕ እት ገብእ፣ ጣቀት ሆይ ለገእ ካድም እግል አግድዮት ለትነፈዕ ወተርቲብ ለለአትሐዘያ ተ። እት ክል ጂል ዋቅያም ሸባብ ለመልክ ገቢል ሆይ ዐቦቱ አኪደት ተ። ክል ሸባብ ምንላ ሀለዩ ገጽ ቀደም እግል ልጠወር መትነያቱ ጠቢዐታይ ምራድ ተ። ሄራር ወጠንክ ገጽ ቀደም አበሎት ሆይ እግል ሻብ ኤራትርዩ አካኑ ዓባይ ተ። ወጠን ለሐልፊቱ አሰሎል ሰባት ነአምር።

ክእሊ ሄራር እሊ እት አካኑ እግል ልብጸሕ ሆይ፣ ጣቀት ሸባብ እብ ራትዐት ገብይ እት ሰኔት እግል ትውዐል በ። መጅተመዕ ዓማት ጣቀቱ ምክ ወሐሊት ሸባብ ተ። መስተቅባል ናይላ ገእ ሸባብ ሚመሰል እግል አመሮት ሆይ ጣቀት ሻብ እት ሚ ልውዕል አመሮት ምሆምቲ። እብ ሐጪሩ ምስተቅባል ሸባብ ወደውለት እት ዓጻት ሸባብ ተ። ሸባብ እሊ ዋጅቦም እግል አግደዮት ሆይ ትርድት ናይ ፍክር መቅደረት፣ ፈሀም፣ እት ነፍሰክ ናይ ቀዲር መባዲእ፣ ካፊ ምህንት ወአምር፣ ትሩድ ሸርፍ ነፍሰ ወምጅተመዕ ምሰል ዓጻት ገቢል ለዋፍቅ ወእብ ዋጅብ ለልተሌ እግል ልግበእ በ።

ጣቀት ሻባብ እት ዋጅብ እግል ትውዐል ወለለአትሐዘ ተቅዩር እግል ተአምጽእ ሆይ፣ ለገእ ሻብ እሎም ለተሉ ጠባይዕ እብ ዋጅብ እት ዐመል እግል ለአውዕል በ።

1. መቅደረት ራቴዕ ፍክር ወውሕደት

አሳሰ ለገእ ተጠውር ምጅተመዕ፣ ራቴዕ ፍክር ተ። ፍክርን አሰክ ሰኔት ለነሰእ እግል ልግበእ በ። እሊ ሌጠ እንዴ ኢገበእ ሆይ፣ ወሕደት ገቢል ለለአተርድ ፍክር እግል ልገበእ በ። ሻብ ምሆም ክፋል ምጅተመዕ እብ ግብአቲ፣ እግል ለሐልፊ ተአሪክ፣ ለሀሌት ሓሊት እብ ዋጅብ ለለአምር ወእግል መጽኡ አፍካር እብ ዋጅብ እንዴ ፈሀም፣ ምን ሐር ለበልሰ መዋዲት ልትሐፍዝ ምሆም ተ። እብ አሳሰ እሊ ፍክር እሊ ዶል እንርእዩ፣ ሸባብ ኤራትርዩ ዋጅቦም አግደው ወለአገዱ ሀለው። ክእኒ እግል መሰለሐት ገቢል ቀደም ናይ ናሰ ለወዴ ሻብ ረኪብ ሆይ ዐቢ በክት ተ።

2. ነፍሰክ ቀዲር

ናይ ስያሰት ሕርዩት፣ ዓጻት ወደማን ናይ እቅትሳድ ሕርዩት ወመቅደረት ሀለዮት ተ። ሕርዩት

እቅትሳድ ሆይ እምበል እት ነፍሰክ መተንካብ ወቀዲር ሰባት ኢትትረከቡ፣ ሀለዮት እሊ ፍክር ምለዐል ክሉ ምሆም ገብእ።

3. ዕልም፣ ምህንት ወተክንፍሎጂ ለመልክ ሻብ

ዕልም ወምህንት አግደ አሳሰ ወዓማት ዐባት ቶም። እብ ተክኖሎጂ ዶል ልተለው ሆይ ዝያድ ፍገሪት ለሀይቡ፣ ምን እሊ ለእንፍሀመ ምን ተሀሌ፣ ዓማት ተጠውር ወድ አዳም ዕልም ሐቆ ገብእ ወእሉ እት ዐመል ለተርጅም ሆይ ሻብ እብ ግብአቲ፣ ለከፊ ዕልም ወምህንት እብ ተክኖሎጂ ለተለ እግል ልርከብ በ።


4. ዓጻት ወካባሪ ምጅተመዕ ዋር ሻብ፣ ወለ አልፍ ዶል ምንመ እሊ እት ለዐል ለሰሚናሁ መቅደረት ራቴዕ ፍክር ወውሕደት፣ ነፍሰክ ቀዲር፣ ዕልም፣ ምህንት ወተክኖሎጂ ለመልክ አፍካር ምንመ ለሀሌ እሊ፣ ዓጻት ወካባሪ ገቢሉ ለለሐሸም ወእቡ ለልትመረሕ ሐቆ

ኢገብእ፣ ለትመጽእ ዐባት ለዘት ወተርጅመት አለበ። ረያም ምስዳር እግል ልንደአነመ ኢቀድር። ከጣቀት ሸባብ እብ ዋጅብ እብ ራትዐት ገብይ ትሸቁ ክም ሄሉት እግል አክዶት፣ እብ ዓጻት ወካባሪ

ገቢሉ ለሸንን፣ ለልትሕበን ወእቡ ለልትመረሕ ሻብ እግል ልግበእ በ። ከሓይሳም ሸባብ፣ ምስል እለን እት ለዐል ለሰሚናህን ንቃዋ እብ አትጸባዎ፣ መቅደረትን

ወጣቀትን፣ እትሚ ነአውዕሎም ሀሌን ነአምር። ጣቀትን እት ዋጅብ ወምጅተመዕ ቀደም ለልብል ናይ ዐባት በርናምጃት ወአሸቃል እብ መትነፈሪት፣ ሕሻል ተጠውር ወዐባት ገቢልን ንግበእ።

ናይ ሽዑር ዐቅል (Emotional intelligence)



ናይ ሽዑር ዐቅል በህለት መቅደረት ፈረጎት፣ መትነፈሪት፣ ፍሂም ወአመቅረሐት ሽዑር አው ሰምዒት እብ አሆታይት ገብይ እግል አንቀሶት ጨቅት፣ አብጠሮት በእሴ፣ መትዐዳይ ተሐድያት፣ ራቴዕ መትነፍሪት ዕላቃት ወረሕመት እግል ሕገዛም ለአሸር። ናይ ሽዑር ዐቅል እግል ብዘሕ ጀሃት ሐያትን ወአምዕላይ መንበርን ተምትም። እግል መሰል ጠባይዕን ወምስል አዳም ለእንወድዩ መፋህማት።

- መናፍዕት ናይ ሽዑር ዐቅል
- ምስል ብዕዳም አዳም ዕላቃት ሰኒ እግል ክልቀት
- ዑፊት ምስንዮት እግል ብንዮት
- ወቅል ዐውቲ እት ሽቅል እግል ረኪብ
- ምራድክ ለተምም እተ እብ ለውቀት ለትመለአት ሐያት እግል ብንዮት
- አርባዕ ጠባይዕ ናይ ሽዑር ዐቅል
- ሀ. ጅውትክ አመሮት

ናይ ጅውቱ ሽዑር ለለአምር ነፈር፣ ሽዑሩ እብ ከአፎ እት አፍካሩ ወአክላቁ ተአሲር ወዴ ለአምር። ብዕድመ ናይ ጅውቱ ሽዑር ለለአምር ነፈር ትርዱ፣ ሕምቅናሁ ወደማንት እት ነፍሱ እግል ለአምር ብዘሕ ክቡድ እቲ ኢትን።

ለ. እዳረት ነፍሰ

ናይ ሽዑር ዐቅል ለቡ ነፈር፣ ኢፋሎታይ ሽዑሩ ወሰምዒቲ እብ ክርዐት ወራቀቦት፣ ምስዳር እብ ንስአት ገለዱ ለአተምም። እሊ ሌጠ እንዴ ኢገብእ እዳረት ነፍሱ ለመልክ ነፈር ምስል መትቃያር እድንዮ ወወቅት እግል ልትማሰል ቀሊል እሉ ተ።

ሐ. ናይ ገቢልክ ሽዑር አመሮት

ናይ ሽዑር ዐቅል ለመልክ ነፈር ሽዑራት፣ ምራድ፣ ፈሀም መቅደረት ወብዕድ ናይላ ነብር እቲ ገቢል እግል ልፍሀም ለአቀድሩ። ክእኒ ግብአት ሆይ ምስል ሽዑብክ እንዴ አርተሕክ እግል ትንበር ለአቀድረከ።

መ. እዳረት ዕላቃት

ናይ ሽዑር ዐቅል ለቡ ነፈር፣ እብ ከአፎ ዕላቃት ለአካብት ወጠውር፣ እብ ከአፎ ልትፋህም፣ አንፋር ሰአዮት ለሀይብ፣ እት ብዕዳም አንፋር ተአሲር ሰኒ ወዴ፣ እብ መጅመ-ዐት ሸቁ፣ እብ ከአፎ ኢመፋህምት ትባሌሕ እግል ትአምር ለአቀድረከ። እት ሐያትክ ርዮሕ ወዕወት እግል ትግባእ እብ ሰኔት ገብይ ዕላቃት አመቅረሐት

ወሰኔት እዳረት በደለ አለቦም። መሰለሐት ናይ ሽዑር ዐቅል ሚ ተ?

ክም ዋዴሕ ወእት እድንዮ ለልትአመር፣ ለፈሀምም(IQ) ውቁል ላቲ አንፋር እንዴ ኢገብእ ለልትወውቲ፣ ለሽዑርም እንዴ ራቀብው ላሊ ወአምዕል ለከድሞ ቶም። ናይ ሽዑር ዐቅል ብዘሕ ጀሃት ሓያት ውላድ አዳም እቲ ተአሲር ወዴ። እግል መሰል ናይ ሽዑር ዐቅል እት ሸቅልክ ሰርገል እት ወደደየት ተረቲ ዐባይ ተ።

ክእኒ እብ ግብአቲ እት አካን ሸቅልክ ምስል አዳም እግል ትትፋህም፣ ሽዑርም ትፍሀም፣ ትሰደዮም ወብዕድ እብ ሰዲ ምለዐል ብዕዳም መሻቂትክ እግል ትትቀደም ለአቀድር። ብዕድ ናይ ሽዑር ዐቅል እግል ዓፍዮት ገርብክ ተምትም። ሽዑርክ እግል ትራቅብ ኢቀደርክ ምን ገብእ፣ ጨቅት እብ ሰባት ምስል ወቅት እት ዓፍዮትክ ትሩድ ተአሲር እግል ልውዴ ወእብ ሕማም ትደመዕ ትቀድር።

ብዕድ ራትዕ ናይ ሽዑር ዐቅል ኢሀለዮት እት ናይ ምክ አምራድ እግል ለአብጸሐክ ቀድር። እብ ተውሳክ እት ጨቅት ወሐሩቀት እግል ልንሰእን ቀድር። ብዕድመ ናይ ሽዑር ዐቅል እት ዕላቃት ጠወሮት ተረቲ ዐባይ ተ። ትሩድ ናይ ሽዑር ዐቅል ሀለዮት ምስል አዳም እብ ከአፎ ዕላቃት ጠውር ወትበኔ እት ወዴ ልትጃገሩ አለበ።

ሐዘን ወግርመት

ኬትባይ = ያሱናሪ
ተርጀመት = የሰዓት እድረ ሰዓት

(20 ክፈል)

ኦቲክ እግል ቃዕት አቅመተት፣ ለእት ብዳየተን ለዐለየ ርሱማተ ወለ ሩሱማት ናይ ካይኮ እብ ሕበር እብ ሰፍ ዲብለ መንደቅ ጽግግት ዐለየ፣ እት ምለዐሌህን ኦቲክ ለረሰመተ ናይ ኡመ ሱረት ሰቅልት ዐለት፣ ለዕንተ ዲብለ ሱረት ኡመ ትከሬት፣ ኡመ ሸንብሬበት ትመሰል ወምን ኦቲክ ትንጸሽ ትመሰል ዐለት። መረሐመ ራሰመት ዐለት። ለሱረት ኦቲክ ወለት ሰላሰ ሰናታት እት እንታተ። እበ ሪሸተ እት ሸንብሬበት ግርም በደለተ?

ካይኮ እት ሰልፍ መረተ እተ ረኤተ እቱ ወቅት ክምእን ትቤ፡ - “እለ ናይ ናሰኪ ሱረት ተ። አማንቤቱ ሚኢኮም? አክል አይ ግርምተ!” ኦቲክ ላኪን ሱረት እመ ክምተ የአሰአለተ። ወምሰል ረሐ ኩሉ ለአዳም ናይ ናሰኪ ሱረት ትመሰሉም ተሀሌ ገብእ ትቤ።

ኦቲክ እመ ትመሰል ዐለት፣ ዐደድ እለ እተ ሱረት ለሀሌቱ ትመሰል ተዐሌ ገብእ። ወፊታህ እግል አክል አይ ዛይደት ተዐሌ ገብእ? ወለ አምዕል ለእለ ሞተታ አክል አይ በኬተ ገብእ? ኦቲክ ረሰም እተ አሰተብዳት እቱ ወቅት ምን ሱወር እመ ትትበገሰ ዐለት። ላኪን ሐቲመ ምን ርሱማተ መሻዕሪ ለተምተመት ኢዐለት፣ ወእብ እለ ሰብብቱ ሐር ለሱወር ትትረሰዎን አንበተት። አመተ ኢተአመረት እመ መጽአት ከእተ ቀደመ በዋሪት። እብ ሕያየ ለሀሌት ትመሰል ዐለት። ወጋን ለለአመሰለ ሐቲመ እሻረት ኢዐለት ዲቤ። ኦቲክ ለልበ ዕመም ምን እት እንቱ። እብ ሸፋግ ብዝሓት ተክጢታት ናይላ እት ቀደሚህ በዋር ለዐለ ጋን እመ ረሰመት። ወለ ዕንታተ ዱርክ እብ አናብዕ ጅለም ልብል ሰበት ዐለ ለረሰም ተአትካርመ ዐለት። እተ ወቅት ለሀይቱ ለእሉ ትረሰም ዐለት ናይ ናሰ ሱረት እት ኢኮን ናይ እመ ክም ኢኮን እግል ተአምር ለቀድረት።

እተ ብዝ ሰቅልት ለዐለት ሱረት እለ ሱረት እላተ፣ ወለ ሰልፋያት ተክጢታት ኩለን እንድድተን ዐለት። ለናይ ናሰ ሱረትም ትምሳል እት ኢኮን። እለ ሓርየይት ነሰከት ሌጣተ ለእለ እትርፍት ዐለት። ወዱርክ እለ ለውሐት እለ እተ ተአቀምት እቱ እዋን፣ ምን ዕንታተ ለኢልትረኤ ሐዘን ለአንጨዋርሕ ዐለ። ኦቲክ ወለ ሱረት እት ቅብላት አሕድ ለአተናናሰ ዐለየ፣ እለ ሸቅል እለ ርሕ እግል ትውዴ ዲቤ አክል አይ ወቅት ገብእ አትሐዘየ?

ኦቲክ ሐቀለ ሱረት ለሀ፡ አሰክ እለ ብዕደት ሱረት ራሰመት የዐለት። እት ገሌ መናዘር ናይ አደሚ ወሰፍ ለመሰለ ርሱማት

በስ እተን ትበዋር ዐለት፣ ላኪን የም ምሴት እት ሐንቱ ጅብር ካይኮ። እለ ሸንሀት እለ ምን ሐዲስ አቅበለተ። ወለ ምን ወቅት ረዩም እግል ትርሰመ ትተምኔ ምንመ ለዐለት “ዐሪግ ጅኔታይ አሰክ ሰመ” ለአርእስተ ረሰመት። እብ አማን ሱረት ለትገብእ እቱ ወቅት መጽእ መሰለ ኢዐለ፣ ምናተ ለሸንሀተ ለቀዳሚት ኢትረሰዐተ። ከእብ እለ ሰብብቱ ለ “ከዐዳሺ” ክም ጅኔታይ ፈቅደት ወእግል ካይኮ ናይ “ተዋህዶ ድንግል” ለትመሰል ከትምየት እበ እግል ትርሰመ ለሐሰበት። ሱረት እመ ረሰመት ወሱረትለ እለ ሰአነት ወሌተተ እግል ትርሰም ትተምኔ ዐለት። ከእተ ክምሰልሁመ ሱረት ካይኮ እግል ትርሰም ወኢወጅበየ ገብእ? ወለ ሐቲህንተ ክምን ሐቲህን ትትፈንቱ እት ኢኮን። ሰልሲተን አክል አሕድ ለትፈትየን መክሉቃት ኢኮን።



ካይኮ ነቅመተ። - ኦቲክ! እንቱ ሱረት እምኪ ተዐሬ ህሌኪ ወእብ እሱወ ገበይ ክም ትረሰሚኒ ተሐሰቢ ህሌኪ። አማንቤቱ ሚኢኮን? በታተን አክል እግል ትፈትየ ለዐልኪ ፈተ እግል ትፍተየኒ ኢትቀድሪ።

ከለሸንብሬበት እንዴ ቀርበት እተ ባክ ትገሌት።

- መበዐት ከፎ ሸካኪት ብእትኪ! የም እለ ሱረት አሰክ እለ ዓጅቦቼ ይህሌት፣ ወላ ክምሰልሁመ ልግበእ እት ኢኮን። ምሰል ኩሉ ለሀላ ዲበ ዕዩብ ፋትየተ ህሌኮ። እለ እት እረሰም ምን ገናበትዬ ብዝሕት እንቅሰት አን።

- ለሱረትዬ እተ ትረሰሚ እቱ ወቅት ርሕኪ ብዘትኢ ኢተአትዲቤ ደለ እበ ቀለት እኪ ገበይ ሌጠ ርሰሚኒ።

ኦቲክ እት ሕሳብ ታውሰት እት እንተ ክምእን ትቤ። ኢፋሉ፣ እምበል ሸክ፣ ሱረት እመ እተ ተዐሬ እቱ ዐለት ወቅት ዲብ በሐር ናይ ፊቃዶታት ሸምት ዐለት። ካይኮ ምን ሐዲስ ነቅመተ። አመተ አለበ አዜመ ለሱረት ኮዩኔሽ ጅኔታይ እት እንቱ እለ አትዋየነት፣ ለሱወር ለፈናን እብ ከትምየት ወሌተተ ግርም አውመ ህዩ እብ ሰፊት ሸንብሬበት ምን ቅያሰ ወለዐል ግርመት ወጅላል ለትክደነት ለረሰመየተን ሰኒ ብዝሓት ተን። ወለ እሰሉብ ለእቡ

ትረሰመ ምን እልሃም ቡድየት ለትበገሰ ወሰኒ ፍንቱይ ወግርህ ሰበት ዐለ። ክም ናይ ሰሕር ሰንዐት መሰል ዐለ። ወእለ ሱረት እለ እግል ሓሰተለ ተመሰል ሻም እት ምግባም ከፈፍል ዘመን እተ መንብድ ልትረኤ ለዐለ ለትሸርሕ ትመሰል ዐለት። ሰበቡ ህዩ እተ ወቅት ለሀይ አንስ ልትፈተየ የዐለየ። እተ ክምሰልሁመ ሸንሀትለ ሩህባን ቅብላትለ አጀኒት ለገራይም ለእብ ግርመቶም እብ ክል ወሰፎም አዋልድ ገራይም መሰሉ ለዐለው ትአሰክል ዐለት ትመሰል። ጀላብ እለቱ መሰለኒ ኦቲክ ካይኮ እግል ትርሰም እተ ትከበተት እቱ ወቅት። አመተ ኢተአመረት ለናይ ኮዩኔሽ ሱረት ትካየለት እለ። ጭገር ከበዳሺ ጅኔታይ እት እንቱ ምን ተሰሪሐት አዋልድ እለ ዘመን እለ ለእብ ሞደት ጃን ዳርክ ለመሸጣት ትትፈንቱ ኢዐለት። ላኪን አዜ እት እለ ወቅት እለ “ኮሚና” አውመ ህዩ “ሃካማ” ለሉብስ አዳም ኢህለ። ወክምሰል እለን ለመሰለ ለቡብስ እግል እለ ወለት ዘመን ላተ ካይኮ ዘመንን ለሐልፊ ወአዳም በዲር ለአዝመ ምንን ሞደት ቀዳመት ልትሐሰቤ። እምበል እለመ ኦቲክ ለሱወር ለፈናን “ኬሺዶ ርዌላይ” (1891 - 1925) እግል ወልዱ “ራይት” ለሸቀየን ፈቅደት፣ ለውሓት ማይ ወዜድ እብ ምልሃሁ ለሸቀየን ተን ዐለየ። ሩሱማት ናይ ዲን ወተእሰር ናይ “ዶረር” ልትረኤ ዲበን ዐለ። ወሐቲ ምን እለን ሱወር እለን ምን ብዕዳት ትገርም ዐለት። እብ ሕብር ባርህ እት ወራቅ ሲን ርሰምት ዐለት ወእግል ራይት ትክ እንዴ ወዴት ግሲት እት እንተ ወለ ነሐረ ብራቁ ወቀየሕ ቡዘት ላብሰት እት እንተ ተአርኤ ዐለት፣ ላኪን እለ ለሐሰ ሸቅል ናይ “ርዌላይ” ኢኮን። ከኦቲክ እግል ረሐ እግልሚቱ እለ ፈናን ለወለቱ እብ እለ ፍንቱት ገበይ ያግንዩን ረሰመየ እት ትብል ትሰክል ዐለት። ህቱ ላኪን ብዝሓት እግል እለ ለመሰለ እት ተክፍሎጅየት ምውዳቅ ጸሓይ ለአተንክበየ አሸቃላት ራሰም ዐለ። ኦቲክ እግል ካይኮ አፎቱ ክምነየተ እብ ብራቅ እት እንተ ኢትረሰመ? እግል ነሐር አንስ ኩብባይ እት እንቱ ለለአርእየ ናይ ቡድይየ ለውሓት ዐለየ እለ። ልግበእ እት ኢኮን። ዲበ ረሰመት ናይ ካይኮ እት ሱረት ናይ ኮዩኔሽ ለጀኔታት አተንክበት ምን ገብእ። ለምሻጠትለ ወለት ለሸንብሬበት እብ ኮፎ ገበይ እግል ትርሰማቱ? ኦቲክ እግል ለውሐት ለሰኒ እምርት ለእብ “ኮዩኔሽ ኮዳይ” (1888 - 1957) እት ሐንቱ “ጭገር” ለልብል አርእስ ለትረሰመት ርእየተ ዐለት። ላኪን እግል ካይኮ እብ ክምሰል እለ ለትመሰል ገበይ ሰርሕት እት እንተ እት ሕሳባመ ኡቲተ ኢዐለት። ሐኮ ተማም ፈክረት


ልባብ

ዐውቲ ወለት ሰእየት ተ!

ክራም ናይ ቀወርዐት አሕድ እንዴ ጸብጠ ልትመሼ ዐለ። አመተ አለቡ ክልኤ ቀርዕ ዲብ ሕፍረት ሰኒ ቁሪት ወድቀየ። ለብዕዳት ለክልኤ እግል ልፍገረ ክም ኢቀድረ ሰእየት ክም በትካየ ክም እለ ቤሊያህን፣ ግምሽ ኢትትዐበ በታተን እግል ትፍገረ ክም ኢትቀድረ አምራ። ግድም በጽሐተክን እግል ገብአት ሰብር ወደየ ወሞትክን ታካየ። ለሐቲህን እብላህ ሞተት። ለሐቲዲ ትትናራር ወምን ቁሪት ሕፍረት እግል ትፍገረ እብ ክል ሐለተ ተአትናጥዋ ዐለት። ለብዕዳት ህዩ እግልሚ ግምሽ ተሀልኪ ህሌኪ። ፍግረት ላቱ ጽቤራ። መለክ ግድም ዓይርኪ ህለ እብ ሰብር ወኤማን ትክቤቱ እት ልብላህ እትለ ረአሰለ ሕፍረት እንዴ ትባጠረየ ለአተቃብላሃ ዐለየ፣ ምናተ ህተ ላቱ እምበል ሕላሌ ትጅህድ እንዴ ዐለት እት ደንጎበ ተዐወተት ወመጭ እብ ፍግረት ትቤ። እብ ከአፎ ፈገርኪ እት ልብላ ዶል ትሰአለያሁ። እለ ኢኮን ጽምት ወልግምት ክምተ አመረየ። ከህተን ሰእየት ለለአበትክ ሀገራት እት ልትሃገያህ ትሰምዐን ሰበት ይዐለት ሸጅዓህ ለህለለየ መሰል እተ ዐለ። ወእብል ሰብብ እምበል ሕላሌ ወቡቲክ ሰእየት ሰበት ጃሀዘት ተዐወተት ወምን ሞት ደሐነት። “ሀገራት አዳም እዘን ኢተሀበ። ልብክ እተ ጋሪትክ ሌጠ ክረዩ ወገጽክ ቀደም አቅምት”።




ጥብሰም



ለእመር ኬትባይ በርናርድ ሾ ሐቲ አምዕል እት ናይ ውዳይ ሰን ሐፍላት ዐድመወ። ዲብለ ሐፍላት አንስ ወአዋልድ ገራይም ጸንሐያሁ። ምናተ ህቱ ምሰለ አንስ ለክፍአት እት ልትሃጅክ አምሴ። ሚቱ መለሀይ ደሓንካቱ ማሚ። አፎቱ እለን ገራይም ሸንብሬባት ምንን እንዴ አዘምክ ምሰል እለን ኩፍአት ደገልል ምን ተሃጅክ? ቤለወ፣ በርናርድ ሾ ህዩ፣ አሃየእ። ለሐፍላት ናይ ውዳይ ሰን ተ ቴልኩምን ማሚ? ቤለየም።

ወሰኒ ፈግነት፣ እግል ረሐ ረሰም ናይ እለ ሸንብሬበት ምን ለዐል መቅደረተ ክምቱ አክደት።
- ካይኮ። አሰክ ሰካብ ምን ንትክምክም ሚመሰለኪ?
- አዜ? ወለወርሕ፣ ወእለ ላለ ህዩ ምሰል እለ ኩሉ ግርመተ?
ካይኮ እግል ሳዐት አቅመተት።
- ለሳዐት አሰክ እለ ዐሰርመ ግጽሐት ኢህሌት።
- አነ ሸበህ ፈትራኒት ህለኮ፣ ወለድግምን ህዩ ደሐንቱ እተ ዐራት ዲብ ሕነ ነኦታላልየ።
- ሰኒ መርሐበ።
ኦቲክ ቅብላትለ መዐፍየት

እንዴ በዋሪት ለምክያጅ ምን ገጸ እተ ትግግፍ እቱ ዐለት ወቅት፣ ካይኮ እብ ሸፋግ እግል ዐራታት ናገራቱ ከናጸፈቱ። ኦቲክ ክም ከለሰት፣ ህታመ እብ ተረተ እተ መዐፍየት ጌሰት ወለ ምክያጅ ነግራት ምን፣ ከለ ሰንዳየ ቀጠናይ ወረደማይ እንዴ ዐነት። ከእተ መዐፍየት ለገጸታየ ዐፊት።
- ኦቲክ፣ እለ ከትምየትዬ ምሰል ናይ ቡድየት ረሰም ኢትናሰብ።
- ለረሰመኪ ለሀላ ፈናን ሩሕ ዲንዮት ብእቱ ምን ገብእ። እለ ብዘትኡህም ኢኮን።



ቢንያም፡ ሰልፋይ አፍሪቄ ዕውቅ ዱር ፈረንሳ ገብአ



“በድረ ዐጃላት ምን አካባቢ፡ ለናይ ክል ዶል ሕልምዬ፡ እት ዱር ፈረንሳ እግል እሻርክ ዐለ። እት ካልኣይት ሰነቼ እትሊ ዐቢ ናይ ሾላተ ጅግረ እግል እትዐውት ምን ቀደርኮ ላኪን፡ እግል እመን ኢቀደርኮ። እግል ዋልዳንዬ፡ እም ዕያልዬ፡ እግል ኩሎም ኤረትርዩን፡ ክምሰልሁመ እግል አፍሪቅዩን ፈተት ዐጃላት እግል ሐምዶም እፈቱ። እግል ንትሐበን ወጅብ፡ ምን እለ ወሐር ግድም ክፋል ናይለ ዐባዩ ጅግራታት ጋብአም ህሌ። እለ አዜ መደትና ተ። እግል ኩልኩም መዋጥኒን ዐጃ ወአፍሪቅዩን ሐውዬ አሰናይ ሕበር አፍርሐኒ እብላኩም፡ እለ የም ሰኒ ርዮሕ ህሌት!”። ዘጋታት ናይለ እት ሳልሳይት መርሐለት ዱር ፈረንሳ አወላይ ለአተ።

እብ ድዱ ላኪን፡ ለክዝንት ቅድረት ናይለ ምን ሐልፊየ ሰኔታት ገበይ ዐውቲ ጅግረ ዐጃላት እግል አፍሪቅዩን ቀፍር ለጸንሐ ቢንያም ግርማይ እግል ለሀምሻሁ ለኢቀድረየ ዓማት፡ ሰሜቱ ምሰለ ለሐሰው መትባድረት ዐለም ሰጅለያሁ።
ቢንያም፡ ዲበ እት መሳፈት 94.3 ኪሎምትር ዱሊት ለዐለት ሾላተ፡ ደርብለ ዝያደቱ ክም ለአወቁ ሕሱባም ለዐለው ፔደርሰን፡ ያሰጥር፡ ኮካርድ፡ ዲማር ወጋሺራ እንዴ አተ፡ 10 ንቅጠት አሰጅለ።
ዲብለ ዲን ተጃረት ወጃዝብየት ዓዳት ላተ መዲነት ቶሪኖ ለገብአት ናይ ሸፋገት ሾላተ ላኪን፡ እግል 63.3 ኪሎምትር እት ሳዐት ሰውግ ለዐለ ቢንያም ለትዐ’ሬ እግር ከዋጃ ቦታተን ኢትረከበት።
እትሊ ጅግረ እብ ወላድ ፈሪቁ ሰዳይት ዛይደት ለገብአት እሱ ወእግል መትግምባይ ለትትወጤ አርደት ለጠፍሐት እሱ ቢንያም፡ እብ እንክር ድማን እንዴ ገብአ እተ ወደየ ግምብየ ሾላተ፡ እብ 54ዐት፡ 26 ደቂቀት፡ ወ48ካልኢት ቱ እግል ቀደሚሁ ስዕያም ለዐለው መትባድረት



ቶም። ኤረትርዮ፡ እት ሰነት 2015 እብ አለምፕሪይ ዳንኤል ተክሌሃይማኖት ወመርሃቂ ቅዱስ እት ዱር ፈረንሳ መሻረከተ ክም አከደት፡ ሰልፋይ ታሪክ እትየት ዲብለ ዱር ሰጅልት ዐለት። ዳንኤል እት ሳድሳይት መርሐለት፡ ቀየሕ ወጸዕደ ፍሌንዩት ሐየት ስጋደት ክም ለብሰ ህዩ፡ ‘የም 9 ጁላይ 2015’ እት ታሪክ ርዶደት ወጠንን ወብድረ ዐጃላት እት ሰጅል ውቅርት ጸንሐት።

ሄለል ጁላይ 2024፡ ዝያድ ኩሉ ተ ምን እንብልመ ተአሰታህለ። እትሊ ጅግረ፡ በይኑ ኤርትራ፡ ወበይኑ አፍሪቄ ጸሊም ለዐለ ቢንያም፡ እትሊ መጃል ለህለ ዐሚም ከዋጃት እንዴ አተቀለዐ፡ እት ርሽመት እውልወል ህለ። ክምለ ላባም አበውኑ ለልቡለ “ዎሮ አክል አልፍ” ጋብእ ህለ። እለ ዐውቲ ናይ ቢንያም ወናይ ኤረትርዮ ሌጠ እንዴ ኢገብእ፡ ዐውቲ ናይለ እት ተጠውር ቢንያም ዶር ውቁል ለህለ እሱ ፈሪቁ ኢንተርማርቼ ዐውቲማ ቱ። እለ ፈሪቅ ናይ ሰልፍ ዐውቲ መርሐለቱ እት ዱር ፈረንሳ እብ ቢንያም ራክብ ህለ። ሰበት እለ የም 1 ጁላይ 2024፡ ታሪካይት ዕለት እግል ኤረትርዮ፡ እግል አፍሪቀ ወኢንተርማርቼ ጋብአት ህሌት።

ናዲ ኢንተርማርቼ ክም አወላይ በርናምጁ እግል ወድ ቤልጁም ገርኑብ ታይሰን ዐውቶት ክም ዐለ ለሸርሐ ቢንያም፡ እለ ወድ ፈሪቁ እት ደንገረት ክም ተርፈ ላኪን፡ ለካልኣይ በርናምጁም እት ዐውቶት ቢንያም ክም ትቀየረ ኢብረህ። ቃይድለ ፈሪቅ ኣይኬ ሺዝቢክ፡ እብ ክሰሰ ዐውቲ ቢንያም እት ልትሃጌ፡ “ኩለን ድወል አፍሪቀ እለ ልታክየ ዐለየ። አዜ ለንዩት ታመት ህሌት፡ እግል ብዝሓም መትባድረት አፍሪቀ ባብ በኪት እግል ልግበእ እሎም እተም።

ጁን 2023’መ፡ እት ዱር ሰዊስ እት ካልኣይት መርሐለት አወላይ ለአተ ቢንያም ግርማይ ዐለ።

ቢንያም ምን ርክብዩ ዐባዩ ዐውቲታት

* ናይ ሰልፍ አፍሪቄ እት ናይ ጽርግዩ ሻምፕዮን ዐለም ምተሐት 23 ሰነት ለዕምሮም - 24 -9 2021፡ መዳልየት ነሓስ
* እት ሰነት 2022 ዲብ ናይ ሐቲ ምዕል ጅግረ ጌንት ዌሽልገን አወላይ እንዴ አተ፡ ሰልፋይ ዕውት አፍሪቄ ገብአ
* እብ መዳልየት ‘ላ ትሮፒካሌ



እብ ፈርሐት እት ነቤዕ ልትሃጌ ለዐለ ፋርስ መትባድራይ ዐጃላት ኤርትራ ቢንያም ግርማይ ቱ።
ለሐልፊት ሰንበት ንኢሽ ምን ኢጣልየ ለአንበተ ብድረ ዐጃላት ዱራ-ፈረንሳ፡ ማሌ ለሀ ሳልሳይት መርሐለቱ ምን ከካንዝ እንዴ ትበገሰ እት ቶሪኖ ለተምም ናይ 230.8 ኪሎምትር ናይ ጋድም ጅግራሁ ወደ። እለ እትሊ ጅግረ ዱር ፈረንሳ ለፊመት መሳፈትለ መርሐለት፡ እግል ናይ ሸፋገት ሾላተ ቁድረት ለትወጤት ዐለት። ለትፈናተው እመራም መትባድረት እግል ልትዐውቶ ዲበ ህዩ መስኢት ዐለ።
ለዐሚም ከዋጃት እትሊ ጅግረ እግል ለአተላሌ ለልትሸነህ ዓማት አክባር፡ ክም ከራለ ደግም ሰርጉል ፍሌንዩት አክደር ለዐለ ያሰጥር ፍሊፕሰን፡ ብርያን ኮካርድ፡ ማድሰ ፔደርሰን፡ ፊርናንዶ ጋሺራ ወአርኑድ ዲማር፡ እትሊ መርሐለት እግል ልትዐውቶ ስእያቶም ዐለየ።

ዐጃላት እት ደራቢት እንዴ ሐድገ እሰልፍ ከዋ ወለት ሳተ ለኬደ። ታሪክ እንዴ ሸቀ ህዩ፡ ‘ሰልፋይ አፍሪቄ ዕውት ጅግረ መርሐለት እት ዱር-ፈረንሳ ጋብእ ህለ -እለ ፋርስ ሽቅያይ ታሪክ ቢንያም!’
ቀደም እለ ጸዓዲ ወላድ ግብለት አፍሪቀ መትባድረት ርቤ ሃንተር ወዳርዶል ኢምፕሪ፡ እትሊ ጅግረ ዱር ፈረንሳ ናይ መርሐለት ዐውቲ ሰጅላም



ቢንያም ህዩ እብ ኩሉ እትጅሃት ሰፊር አፍሪቀ ጋብእ ህለ።
ዎሮት ምን ናይ ክል ዶል ስሙያም ናይ ሾላተ መትጃግረት ላቲ ማርክ ካሻንዲሽ’መ፡ እግል ቢንያም ዋሰፋ ዐለ። “እት ጅግረ ዐጃላት ታሪካይት ዕለት ተ፡ ቢንያም ህዩ፡ በዐል ብሰኒት (Legend) ገብአ።” እት ልብል፡ እለ 34 ናይ መርሐለት ዐውቲ ዱር ፈረንሳ እብ ሰጅሎቱ ምሰለ ናይ በዲር መትባድራይ ኢዲ ማርክስ ‘ረቅም ቅያሲ ናይ ዐውቲታት ብዙሕ’ ጸብዋ ለህለ ወድ ብሪግንዩ ገዲም መትባድራይ።
እለ ናይ ማሌ ዐውቲ፡ ኤረትርዮ፡ ሐቅ 385 አምዕል ተ እድንያይ ዱር እቲ ናይ መርሐለት ዐውቲ ትረክብ ለህለት። እት የም 12

አሚሰ ቦንጎ’ ደርብ ሕድ እግል ሰለሰ ሰነት ለሐሰ መትባድራይ ዐጃላት አፍሪቀ
* እት ግራንድ ቱር (ጂሮ ዲ ኢጣልየ) የም 17 ማዮ 2022፡ ናይ መርሐለት ዐውቲ ለሰጅለ ጸሊም አፍሪቄ
* እት ናይ ክላሲክ ጅግረ ፍራንኮ ቤልጌ ለትዐውተ ናይ ሰልፍ አፍሪቄ -ዲብ የም 2 ጁን 2024
* ማሌ ለሀ የም 1 ጁላይ ህዩ፡ ናይ ሰልፍ ናይ መርሐለት ዕውት አፍሪቄ ጋብእ ህለ።
ዕምር ዋወል እግል ቢንያም ወእሉ ለተብየ መትጃግረት ዐጃላት ኤረትርዮ ወኩሎም ሰሜት ወጠናም እብ ክል መጃል ርዶደት ለአሰሙ ለህለው ፍራሰ!



ሐንገል ወደአዳም ጌት ልጅሐብ መጽሐፍ ህለቅህለ

እት ጃምቦት ካሊፎርንያ ዲቦ ለገብአ ሐዲስ ድራሳት፣ ሐቆ ሰነት 1930ታት ለትወለደው አንፋር ምስል ወክድ ዐቦት ሐንገሎም እት ወሰክ መጽሐ ክም ህለ ተሐበረ።



እሊ እግል ሰለሰ ታርፊታት እብ ሰዳይት ሐለት ሐንገል ለልብሐስ ቴክኖሎጂ ለገብአ ድራሳት፣ ለበሕሲን እግል ስሙማይ ዐቦት ሐንገል ወድ አዳም እብ ዋጅብ እግል ልፍህዋ ክም ሰደዮም ሸርሐ። ህቶም እት ሰነት 1970ታት ለትወለደው ሙሽተርከት ምስል ዲብ ሰነት 1930ታት ለትወለደው እብ 6.6% ለልቦይ ቅያስ ሐንገል ለሃሌ እሎም እት ህለ። እብ 15% ለዘይድ ርሕብክ ሐንገል ክም መልኮ ህይ ወደሐው።

ወሐር እብ ሐድ-ሐድ ዐቦት ሐንገል ክም ትርእ አሸረው።

ስሙማይ ዐቦት ሐንገል ናይላ ዲብ ሰነት 1930ታት ለትወለደው አዳም 1234 ሚሊ ሊተር ገብእ እትህለ ዐቦት ሐንገል ናይላ ዲብ ሰነት 1970ታት ለትወለደው ህይ 1321 ሚሊ ሊተር ክምቱ ለበሕሲን እንዴ አትለው ሐበረው። እብ አሳሰ ለገብአ ድራሳት እትሊ ናይ 40 ሰኖታት ቅያስ ወክድ 6.6% ወሰክ ዐቦት ሐንገል ወድአዳም ትረእ በህለትቱ። እምበል እሊ እተ ምስል እንትበህ፣ ድራሳ ወፍቅደት ለልትጸባዋ ክፋል ሐንገል ወሰኮት

ናይ ዐቦት ክም ትሰጀለ ሸርሐው። ውቁል ርሕብክ ለመልክ ሐንገል፣ ምስል ዋውር ወዳፍየት ለመልክ ሐንገል ለልትጸባዋቱ። ለእት ለትፈናተ ድወል ምስል ወክድ ለትረእ ነቂስ ብዘሐ ሕማም መትረሰዮት እት አዳም መ ነቲጀት ናይ እሊ እብ ሐድ-ሐድ እት ልርሕብ ገይሰ ለህለ ሐንገል እንዴ ገብእ ክም ኢተርፍ እት ወድሐ። ዲብ እሊ አርእሰ እሊ ለህለ እሎም አምር እግል ዓቦቶት ትሉሉይ ድራሳት ወዱ ክም ህለው ለበሕሲን ጃምቦት ካሊፎርንያ ሐበረው።

አትናይት፣ አከይ - መቅሬሕ ሰብ ዕያል ለአርሄ

ለልአትናይት አው ለተአትናይት ጌወ ኢህለዮት ምስል ውቁል ናይ ገርብ ሕማም ለለመጽእ ናይ ጨቅዋ/ተወትር ሆርሞን 'ኮርቲሶል' መትጸባዋ ክምቡ እት ጃምቦት ቢንግምተን አሜሪካ ለመርከዞም በሕሲን ለወደው ድራሳት አትአመረ።

እት ዓይሊት እት ረእሰ ጌዞክ ናይ ኢህተመሞት አክላቅ ምር ምን ብዘሐ አሰባብ ሕድጎቱ። እሎም በሕሲን ህይ እሊ እት ዓይሊት ለልትርኤ ጌዞክ ኢአየዶት አክላቅ፣ እት ዓፍየት መደረት ክምቡ ሐብረው። ለድራሳት እት ብዘሐም ሰብ ዕያልቱ ለገብአ። ምን ጌዞሆም አው ጌዞይቶም እጃቢ ሰዳይት ለኢረክቦ ሰብ ዕያል፣ ክም ሰብ ዕያል አህትማም ለነቅሰ ምኖም ሰበት ልትሰምዮም፣ እት ገርቦም ለህለ ቅያስ ሆርሞን 'ኮርቲሶል' እተ ደለ ክም ልትወቅል ትወደሐ። ምን እሊ ወኬን ህይ ምን ጌዞሆም ብዘሐ ከሊማት ወናይ ማል ተሰጃዕ ለረክቦ አው ለረክቦ ሰብ ዕያል፣ ለልፍህዋም ወለልትሐሰር እቶም ጌወ ክም ሰብ ዕያል ልፍህዋ፣ ለናይ ገርቦም ሆርሞን ተወትር እተ ደለ ክም ነቅሰ መመቅረሐት ናይላ ድራሳት ወደሐው።

ህቶም እት ገርብ ወድአዳም ውቁል ቅያስ ሆርሞን 'ኮርቲሶል' ደል ለህሌ እት ለትራዮመ ወክድ አንአሾት ዐቦት ሐንገል፣ ከረሾት፣ ሕማም ሰረሚን፣ ሕማም ልብ ወድዕፍነ ንዛም መትሐማል ክም ለአመጽእ ሐበረው።

እት ወክድ ሰላም ልግበእ ወክድ መሻክል ሰብ ዕያል ዲብ ናሰኖሶም ለአርእወ ሰዳይት አድሕድ፣ እምበል ዲብ አደቀቦት ዕላቀት ናሰኖሶም፣ እት ገርቦም ልግበእ ወዐቅሎም ክምሰልሁመ ዲብ ዓፍየቶም አካን ዐባይ ክምቡ እንዴ አመረው ሰብ ዕያል እት አድሕዶም እግል ልርሐም ወእብ ሰዳይት አድሕድ እተ ለቀንጾ እቱ ወክድ እብ ከሊማት ሰኔ ዲብ አድሕድ እግል ልብለሶ ለበሕሲን መክር።



ጥቅደር ሐለት ጃው ሰድመት ክም ለአመጽእ ጥቅረሐ




እት አሜሪካ እተ ለገብአ ድራሳት ምስል ተቅይር ሓለት ጀው ወሰኮት ሰድመት ቀልብ ለለመጽእ ምስክነ ወሞት መትጸባዋ ክምቡ ትሸረሐ።

እትሊ ድራሳት ወሰኮት ተቅይር ሓለት ጀው እዲነ እቡ ክም መጽእ ምንመ ልትሸራሕ ምስል ሰድመት ለመጽእ ምስክነ ወሞት ላኪን መትጸባዋ ክምቡ እሙር ህለ። እምበል እሊ ቅያስ ሐፋነት ምን ጠቢዒ ወኬን ደል ነቅሰመ መትጸባዋ አሰራር ደም ሰበት ለመጽእ ዲብ ሰድመት ቀልብ ክም ለአበጽሕ ተእመረ። እትሊ ለሐልፊ ቅሩብ ሰኖታት ለትረእ መትክራይ ወወሰኮት ሐፋነት ብዘሐም እብ ዕምር ዐባይ ላቶም አንፋር

ለትፈናተ መሻክል ሕማም እግል ልሳድፎም ክም ቀድረ ለበዘሐው ምኖም ህይ ሰድመት ለሳደፊቶም ክምቶም ለድራሳት አከድ።

እትሊ እግል መደት 30 ሰነት ለአተላለ ወሐድ 200 ድወል ለአሻረክ ድራሳት ህይ መትወቃል ወመደሃር ተቅይር ሓለት ጀው ለልትርኤ እቱ አውርሐት ብዘሐም እብ ዕምር ዐባይ ላቶም አንፋር ሰድመት ሳድፎም እት ህሌት እብ ሰበቡ እግል ልመስክኖ ወሊሙቶ ለህለ ኢብካቶም ለዐበ ክምቱ ተአመረ። እተ ድራሳት መንጠቀት ምግብ ኤሰዮ፣ እሊ እብ ተቅይር ሓለት ጀው ትሳድፍ ለህሌት ሰድመት፣ እብ ዘያድ ለልትርኤ እቱ ክፋል እዲነ ክምቱ ተአመረ።

ፍንቲት ስወር ሕዘው



ሳድስ ወራር እብ ካርቱን

እት ወርሕ 6 ነቁ ለጌደት ከርህት ተህፃን ስጦት ግጥም 69 ወራር ጅብ ተዓደገ ወደቀት ወ ከትህ መት።

